





ANDREEÆ MAXIMILIANI  
FREDRO,  
*Castellani Leopoliensis,*  
MONITA POLITICO  
MORALIA.

*PARS PRIMA.*



Vit animi informes pulchre componere vultus?  
Crebrius hoc speculum consule: pulcher eris.

**D**EUM publicè & cum apparatu  
cole, ut tibi factò, aliisque proficias  
exemplo, virtuosi nomen non ex va-  
no paraturus, eoque potiens.

A

2. So-

2. Sobrius sis, ut eveniant tibi res sanæ & sobriæ.

3. Omnia serio fac, & cum gravitate, nunquam obiter: immo lentè fac, nec properanter. *Currendo, non rependo, fit lapsus.* Deus cuin magnificum opus mundi aggrederetur, & momento in unico, pro summa potestate potuisset creare perfectum totum, prout potuit, immo fecit; sed cum humano modo factum orbi repræsentat, sex velut dies insumpsit operi, ut monstraret mortalibus, magna si sensim posse fieri correcta, perfectaque: vel quia magis magnificatur opus, cui non obiter immoramus faciendo. Vis rem bene habere? Lentè fac, & sæpe corrigere. De ipsa experire, reperturum te vesperi, quod corrigas, quod actum, aut habitum ex perfecto credidisti.

4. Sis publicè munificus, sine jactantia & prodigalitate; perdere multi sciunt, donare nesciunt.

5. Non impera, non pete, nisi quæ obtinere speras; qui impossibilia petit, non vult habere, & simul vult offendere. Idque per alios petes, nec satagenter: non oblige statim autoritatem; sæpe quæ nimis petimus, nobis neganda præcavemus,

6. Non promitte, nisi quæ præstare potes, ne levitatis arguaris.

7. Non dic: nisi quæ vera, & sine invidia audientium.

8. Frustra minas intendis, si timeri non credis, potius præoccupa contemptum minarum dissimulatione

9. Meminisse magis oportet; quam irasci aut dolere: infra tuum animum esse doce, quæ acciderunt, ac potius per risum habe.

10. Nec te lauda, nec vitupera, ab hoc contemptus, ab illo invidia paratur.

11. Non mirare, non canta, non lude, ut leviusculus.

12. Non sapientis quære; potius scientiam, quam inscitiam simula.

13. Quæ tibi difficilia aut ignota ostenduntur, tacendo excipe. Stultus quoque se tacuerit, sapiens reputabitur (Proverb. Salomon)

14. Non crebrum, lentum, non affectatum, & prope ænigmaticum sit alloquium: Sed tam librata nimis & eluctantia verba fastidium (immò suspicionem) pariunt audientibus, & cathedram sapiunt; solutior non nihil sermo magis familiaris est, velut de Petronio Iacitus: Cujus dicta, factaque, quanto solutora, & quandam iuri negligentiam præ se fermentia, tanto gratius in speciem simplicitatis accipiebantur. Circa familiare vitæ commercium cum amicis, in condimentum convictus, probaverim; in publicis tamen actibus, gravitas sermonis præstat

15. Si vitium loquacitatis pervincere studeas, statue, non quid prudenter loquaris, sed quamdiu per intervalla tacendum (licet op-

4 portunè dicenda videantur) & vinces; Ali-  
às opportuna dicere cum studes, ad impor-  
tuna crumpes; rectè ille ait: *Loqui me ati-*  
*quando pænitus, tacuisse nunquam.* In non-  
nullis tamen loquitur bonus candor & zelus,  
in nonnullis inquietus genius, & dicaeitas,  
dum in quascunque aures inciderint. ut con-  
fessorem intimorum, judicemque sine discri-  
mine personarum sibi statuant, unde produn-  
tur, & irridentur.

16. Nonnulli dum esse sinceri nimis vor-  
lunt, incauti fiunt, proditores verius sui quam  
in amicitia aperti, cum dicenda, tacenda, par-  
riter effutiuni per levitatem.

17. Quisquis blando vultu dicentes audit  
iisque comiter respondet, pariter agit, ac si  
humano animo in potestate sua reserandis  
affectionibus, dum vult, habeat. Quæ virtus in-  
terpotiores (civium) parandis hominum, &  
Provincialium animis, censi debet; si verò  
fecus rugosâ fronte, obiterque dicentem au-  
dias, respondeas ve, licet in gratiam postea fa-  
etus, quid juvat? et si obtineat, quod cupit,  
cum à nolente & moroso prefectum habet  
animo, non ut datum, sed velut extortum, ac  
potius projectum capiet, ut pluris sit, blandâ  
negationem retulisse, quam morosè obtinuit  
se concessum. Exinde usurpamus vulgo di-  
ctum: *Etsi non obtineat, habet tamen velut ac-*  
*cepsum, qui se amicè audiri videt.* Tum illud  
eager animus dum ad satietatem enarraverit quo  
viii

vult, æquiparatur obriento. Videlicet orbis nunc & olim viros Principes, alias magnis animi dotibus præditos, sine hujus virtutis condimento, parum valuisse in vulgus, aut (quod pejus) in odium publicum incidisse. Exinde recte in Voletano Albæ Duce, quidam observatum reliquit, ut propter suum triste & fastuosum (neque ideo civile aut socia illæ) ingenium, ne ab iis quidem amaretur, quibus benefecerat.

18. Vestitus proprius magnificentiam sit, & auctoritatem, quam qualitatem ostentationem, aut luxum.

19. Gestus gravis, non Melancholicus, aut effusè hilaris.

20. Absentiâ sæpe auctoritatem tueare, continuus aspectus minus verendos homines assidue satietate facit.

21. Verissimum axiom: *In ignotis magis dilatari animum*. Exinde sæpe aestimamus magis longinqua, quam proximiora; audienda, quam audita; tam videnda, quam visa; habenda quam habita; pollicita quam data aut accepta; scienda quam citata; & futura, quam præsentia. Sic, Majestati major è longinquo reverentia, & omne ignotum pro magnifico. Sic, Authorum ignotorum opera magnifica habentur, viso Authore vilescent, magisque post funera inclarescent facta, & virtus nostra & nomen. Sic Major de absentibus perlonis opinio; nam satagentius

genuitati dicti, tum circumstantiis personarum, temporis, rerum, loci, jocorum, discursuum, occasionis, quæ sœpe minuunt offendit, dum in præsentia, prout in se sunt, capiuntur, neque delatorum malignitate torquentur, si præsertim illi exaggerando studiose iram succendere amant, cui rem deferunt. Sic vana licet spes ex licentia descendendi, & expectatio futurorum, tum incertorum pollicitatio, plures quandoque affectus habet, quam certum bonum; quam merces, & stipendia. Ut verissimè à quodam sit observatum, & à me alibi dictum: *Gratiis esse hominis animo ascendere in parvis, quam persistere in magno, & per partes, quam per totum; tum illud: Quæ sunt in pretio si vulgaria sint. Et habeantur, contemnuntur; in pluribus opinione laborant.*

22. Non dictum, factumque repece, quo major insit ex raritate verbo reiq; authoritas.

23. Cum Gravibus ambula, leviculorum conversatione delectaberis quidem, sed tandem deturpaberis.

24. Non æstimat<sup>s</sup>: Juvenes, minorennes, temulentos item, verbo, multò magis conversatione vitabis.

25. Quæ cum dedecore in præsentia dicuntur aut fiant, modestè reprehende, aut abi, subtracturus ab ea indignitate oculos, & aurem: multò minus ipse fac, ne velis placere assensu, quod est propè levitatem.

ab ignoto quæritur, aut imaginamur: *Quis ille?* quam ut dicatur semel in prætentia: *Hic est.* Nec gradus amplius datur, quod vadat animus, cum visum & scitum plenè sub oculis habetur. *Sic* per varia eundo pericula Castrorum magis terrent longinquos domi, quam milites pro vallo stantes, & vulnerum spectatores. *Sic* nova subsidia medio in prælio ex ignoto in hostem immissa, licet pauca, sed quia sub specie ignotarum infidularum veniunt, plus terrent hostem, quam acies numerosa oculis subiecta. *Sic* puerorum minorennum aliquando delectamur plus ærate, quam adulorum; hi enim actu monstrant, quales sint, aut quales amplius esse non possint, circa illos latius spes extenditur, quales futuri sint, immo ominamur, (sperando majora ex ingenuitate) quales vera futuri non sint. *Sic* ruinas antiquarum structurarum miramur magis, quam forsitan estimaremus ex integro stantes; nam integrum quod est, oculus totum subiacet, & limitat, aut circumscribit, mentem, ne ultra procedat animus, ac imaginatio, quæ latius extenditur quam sensus: de ruinatis in integro non visis, plus imaginamur, extendo mentem per diversa, quam forsitan erat in rei veritate. *Sic* absentium ambiguū sermones sunt magis læsivi, dum sub latiorē interpretationem cadunt, in præsentia effati condonantur levitati verborum, seu in-

26. Negotia (quoad rute poteris) per alios  
centa, fac, impera, vide, cura; leviorem  
jacturam rei credes, quam authoritatis; im-  
mò admonebis corrigendos, non ipse, sed  
per alium; sic vitabis præsentem exacerbationem, nec facies periculum tuæ præsen-  
tiæ, quæ nisi opinionem (quousque fit non  
vulgaris) ex raritate habeat, gravioribus tan-  
tum negotiis reservanda, ut semper penes  
te restet, quod in majus, dum vis, rem urgere possis. Non astum exinde, ut nonnulli  
Commentariorum iniquè interpretantur, sed  
potissimum perspicacitatem Tiberii (apud Ta-  
citum Annal. I.) observare licet, qui exercitum in Germania tumultuantem, tantum pes  
filios adiri voluit, Majestate salva, cui major  
è longinquo reverentia, simul adolescentibus ex-  
susatum, quadam ad Patrem rejicere: Resisten-  
tibus Germanico aut Druso, posse à se mitigari,  
vel infringi, quod aliud (Nota verba) subsidie-  
um? si præsentem Imperatorem sprevissent.

27. Nunquam effunde totam simili familia-  
ritatem & amorem; vel effusurus, lente fac  
& pedetentim, potius intendatur amicitia,  
quam intensa sit; habenda petitur, habita  
ut vulgata relinquitur, & latietate villescit.  
Erravit ille, de quo annotatum, Milites suos  
Commilitones, novo blandoque more appellans,  
dum affectat charior fieri, authoritatem Princi-  
pis emoliverat. Sub initiis præsertim cavebi-  
tur effusiore officio aut favore, tum gratia  
ne

ne aliquem prosequaris, sed facies intra moderationis terminos: dum enim intensi actus lassantur, quæ agenda tractu temporis sequuntur, vix iisdem principiis respondere possunt, pro injuria vero reputatur, dimini, tum auferri, in ejus possessionem semel involavit animus.

28 Hinc sequitur, ut non solum affectus Ameris, (haud secus Ira) sed prudentiam ipsam per modica, nec affectatè ostentemus, dum æstimari volumus; nam pro vana ingeni ostentatione, dum per familiares discursus effundunt se totos aliqui, nimil commorandis rebus, loquaces & affectati, quasi nihil in posterum pro subsidio novæ objectionis relinquentes, dum opinionem prudentiæ, & exinde autoritatem sibi parare cupiunt, potius eam perdunt, similes forensibus licitoribus, cum levioris momenti res & crenaria ad nundinas ferunt, per obvia fora institorias tabernas ponunt, alias non querendi, nisi emptores quererent ipsum, & essent in obvio; jam vero pretiosarum mercium venditores ditiore lucro negotiantur, eo ipso estimationem mercibus positi, dum sine ostentatione, satis habent sciri de mercibus, & queruntur, ut vendant, non querunt affectatè emptores. Quidquid igitur estimatum haberi volumus in affectu nostro bono, (aut secus contrario) seu in ratione agendi, lentè, tum per modicas partes exer-

ceamus, ne plene satiemus, semper aliquid  
in potestate nostra in posterum reservaturi,  
quo in majus. ( dum pro tempore volumus )  
a nobis res intendatur: *Totum Spiritum su-  
um profert stultus: at sapiens reservat aliquid in  
posterum* Proverb. Salom. Et Ecclef. *In ore  
fatuorum cor illorum, & in corde sapientum e-  
lorum*

29. Non vitupera amicum, non lauda,  
non reprehende, nisi in magnis, idque raro,  
moderata, & in secessu, vel ( si tute poteris )  
per alium, factum tamen, non personam ven-  
tilaturus.

30. Consilium nisi quod rectum sciveris,  
idque tantum requisitus porrige. Verum da-  
tor consilii naturam accipientis, ( seu cui  
consultitur ) induat, prout secundum possi-  
bilitym, media, capacitatem, aptus est  
ille faciendo: secus, frustra ferè consules,  
dum juxta te modo, non alterum, aut sal-  
tem non ex utroque agendum vocas.

31. Non intercede aut pete pro alio nisi  
re per pensa: an justa sit, & obtentu possibi-  
lis, ne periculum authoritatis subeas, si non  
obtineas; potius intercedere cavebis.

32. Non litiga verbo, sed potius subride,  
( etiam si contrarium aliquis loquatur ) non  
velis videri nimis sapiens, magni viri autho-  
ritas, non in disputando, sed agendo con-  
sistit.

33. Tacere qui scit, scit esse prudens. Taciturnitas est magnæ prudentia Mater. *Qui animo ignavus, procax ore;* quibus os ferreum inest, cor sapè plumbeum habent. Verum nonnullis taciturnitas, & ager i secretum ex prudentia, aliis est ex metu, ut cum ex diffidentia sui, verentur, ne per inaniam advertentiam aliquid prodant, totum silent, oportunaque transmittunt, similes Zeuxis imaginibus, qui ad ostentationem artis, imaginum pingebat vela, ut subinteligeretur velatum aliquid, dum nihil erat; sic illi obtendunt rebus inania arcana, nunquam directè, sed nisi circuitivè agentes, vel quia metuunt, vel quia inertiam impotentiamque agendi prodere verentur. Eos sam saltu trajecturi impetum saltus cursu intendunt, etiam animus agentis zelo quandoque intendatur oportet, & apertior sit, pro confidentia sui, & pro ingenuitate praestaturus ardua. Qui diffidit, metuit. Mollia secretaque, cauta quidem sunt, sed quædam nisi servidius tractentur haud obtainentur, immò irritantur in pejus, cum dolus, malignitas, vel etiam metus occultis secretisque (immò circuitivis subesse creditur, prout verè circuitiva ingenia plus astutiæ, quam prudentiæ, vel cautionis habent.

34. Quæ imperfectè calles, non fac coram, immò perfecta fac, quæ non vulgaria & rara.

35. Magna loquere, & à levi discursu studiosè deflecte.

36. Facta secretus tene, facienda multò magis.

37. Vitia quæ vitare non potes, latebris dica, omnia, quæ scis reprehendi, fac in privato, *& semotis sicutem arbitris turpis sis.* Non ea tamen est infirmitas naturæ humanæ, quin vitare vitium non possis, dum velis frustra naturam culpaturus, ipse cuipandus. Vitare iitetur turpia debes, quo magis altioris honoris subsistis gradu; minoribus magis quodammodo turpibus esse licet; in maiores honestosque omnium oculi convertuntur & succensent: uti facilius maculam novarum in puriore crystallo, quam in olla.

38. Rectius plerūmque impertinentia demendo in nostris moribus, in affectibus, & ratione agendi, quam addendo oportuna paratur estimatio, & habetur autoritas. Velut hortulanus plus addunt horto decoris & amoenitatis amputando sentes, evellendo urticas, purgando vias, disponendo plantas per ordines, quam substerendo simum in fœcunditatem, quam copiosè ferendo. Excessu magis vitiorum homines laboramus, quam virtutum imperfectione. Prius quid non faciendu est mali, quam quid faciendum boni, præceptis etiam Decalogi docemur.

39. Raucus aut balbus rarius loquaris, unde illusionis materies.

40. Causas dictorum factorumque non redde, sed potius intelligantur.

41. Sperent à te homines, ac simul vereantur: æque severus, atque clemens videaris.

42. Nec præsume, nec te minoris æstima angulis & latebris ingerendo. Ingere te sed modeste tamen p imoribus. *Nemo contemnitur, nisi qui prius se ipsum contempserit.* Quomodo credis alios te æstimaturos? si te ipsum non æstimas, & in leviuscula abjicis, tibi magis proximus, quam aliis tibi. Recte quidam ait: *Non est hoc superbire, Majestatem Regni, & potestatem autoritatemque publicam sibi concessam conservare velle inviolatam.* Imò hoc est saperè. Verùm perspicacitate utendum, ne superbiam morositatēmque, cum autoritate conjungamus, & quod est incivilitatis: parandæ autoritati adhibetur: ne alias pro unica existimatione cui immodestius aut scrupulosius laborando, mille inimicos tibi superbus pares, & eveniat, quod rebelli Angeio, dum supernis bonis honoreque non contentus, vult insuper esse familiis altissimo, totum suum, quod habuit, perdidit. Cavebis igitur *morosam gravitatem.* Hæc in privatis. In publicis vero actibus consulsum fuerit, ut qui debitos tibi honores denegat, præsertim si conscius sis necessariæ tibi gravitatis (etiam vi *& astu* quodatur), eos dportet præripere alias, quam ea de r. verbis con-

tendere. Qui dubitat, merito ipse sibi diffidit, si dissimulat, tacite fatetur suam indignitatem, & modestia postea pro ridiculo habetur; sed qui defacto animo fortis & constanti, tum bona cum gravitate (tamen sine intempestivo affectu) primas præ aliis occupat, quæ sibi debentur, nec offeruntur tamen, facili deinde negotio eas servat, & retinet imposterum. Ut quondam Germanorum legatis contigit, qui cum ingressi theatrum Pompei legatos nationum Senatores inter sedere cernerent, inter eosdem Senatores, sessum se audacter proripuerunt, subjungentes: Nullos mortalium, armis pro Romanis aut fide, ante Germanos esse, quod comiter à Senatu exceptum, ut eaelegatorum civilis æmulatio postea cederet in argumentum & possessionem loci.

43. Novarum rerum, aut inauditarum, immò novorum rumorum à domo, immò ab externo certam notitiam quære; quod parit admirationem scitæ curiositatis.

44. Modica castigatio exacerbat nonnunquam magis, quam corrigit, ut tutius sit, quandoque non punire, si severius corriperre nolis. Non sine causa Salomon arguit intempestivam clementiam, dum vocat *Misericordias* (aliquorum) crudeles. Bonis vere nocet, quisquis pepercit malis; sed hoc pro statu rei, & temporis. Scias tamen, quia pæna prohibet flagitium, laus vero & præmia provocant virtutem, & accendunt animos.

45. Nunquam totum simul effunde, & proinde exarma rigorem, sed velut majorem in tempus dissimula (lentius corripiendo) quasi majus telum penes te restet, in terrem exerendo, dum velis.

46. Delinquentem aliquem (cujus correccio ad te pertinet) non dic te puniturum antequam puniendum manu teneas; immo propius nescientem sis, ne præmonitus caveat, contraria per desperationem veniae munimenta quæ siturus, aut magnorum intercessiones provocando, quibus sine offensa recusare non possis; aut capitalis hostis præ metu evadat ad hostem transiturus.

47. Ea pollicere, quibus præstando sufficias, ne postea difficile aut grave sit præstare in majorem offensam sperantis: potius non pollicere, sed fac, quod facturus sis.

48. Prudenter quidam honorationem suitacitè inculcavit, cum subornato quodam lixa, compteque in eam scenam vestito, palam dejici jussit pileum, decentiam morum, & superioris observantiam exprobrando. Item Mareschalus ille Regius adornatum lixam Scipione pulsavit, quod palatium Regis importunè ingressus fuisset non vocatus, quo inculcavit verecundiam importunis intrusoribus, & quæ possint fieri in eam formam.

49. Metuendorum nomen aquirere utile aliquando, sed modo licito quærendum, per ali-

aliquam ostentationem virium & potentie,  
ut potius vereantur homines tuam authorita-  
tem & potentiam, non timeant; ne in odi-  
um incurras.

50. Quæ populus affectat, tibi verò di-  
splicent, idem sentire te priùs simula, & in-  
terdum lauda, pòst facta quasi recollectio-  
ne deflecte, sed sine rigore, nam qui dire-  
ctè multitudini se opponit, frangitur aut vin-  
citur ipse, quām vincit; velut subtiliter  
quidam: *Qui realis solummodo est, & nihil  
præstat sed irritat tantum, sic excessiva virtu-  
te opus babet, tum potentiam & autoritatem, quā  
vincat omnem invidiam.* In quo satius pru-  
dentes nautas imitari præstabunt, qui adversis  
ventis, non directam opponunt proram,  
velut contra vim reluctanti, nec adversam  
relinquunt puppem velut fugientes & ex in-  
ertia cessuri, sed per latera inclinando na-  
vem, hac illacve sinuando vela & cursum,  
eludunt tempestatem, & simul assequuntur  
portum, quem volunt, ac proinde illudunt  
ventis; sic populi impetum non aliter elu-  
das, aut in rectum (prout in rem opus) re-  
ducas, quam per molliora, nec tamen mol-  
liter acturus, vel affectate, (quodæquè pe-  
riculosum) sed graviter.

51. Immò dicentibus modicè assentiaris,  
licet aliter post hæc sensurus, lentè in tuam  
sententiam quemque pertrahendo.

52. Quæ in publicum necessaria, primo vero aspectu ingrata populo, proponere vis, cura per alium proponi, & affectum primum populi in eum effundi: tum postea modesta cum ratione sequere ipse, idemque petes, sed sine affectu, quasi minus curaturus, etiam si non fiat: naturale est enim, ut magis negentur, (velut magis estimata) quæ maximè petuntur; quæ minus curantur, ut vilia, facilius ex neglecto habentur.

53. Illi plurimum potentia consilii valent, multaque præstant in suas partes, qui cum sint potentia & autoritate graves, per alios, non perse rem tentant & consulunt, velut nescii, & taciturni, sed ex insperato metuendi.

54. Cura, ut humanus & civilis habearis.

55. Si quis beneficium vel operam aliquam a te petat, et si scias plerasque in eo dari difficultates, non objice illas, ne recusare opem videaris, & te parum benevolum petenti præstes, potius in ipsius negotii cursu eas difficultates, qui petit, deprehendat ipse, & suæ petitionis arguat; offeruntur enim cum tempore occasiones, que promissum infectum reddant, tu vero promptæ humanitatis titulum non amittes.

56. Prima constans cum autoritate repulsa adimit plerisque importunam imposterum audaciam.

57. Obtento morbo , multa per absentiā  
am aut parantur , aut vitantur.

58. Patrocinando alienis illatis , plura in  
publico consilio obtainentur , quam per se rem  
directe tentando , licet aliquem multa ratio-  
cum authoritate sequatur ; quidquid idcirco  
optas fieri , alium authorem inferendae rei  
ex composito substitues , tum alter amicō-  
rum , atque tu ipse patronum te authorita-  
te præstabis ; qui vero proprium illatum fōr-  
tius urgent , præsumptionis notantur , velut  
consilii sui , quod ipsi adferunt , amatores  
neglectores alieni , quod est propè invidiam  
jam verò secus , ut ab alio illata , tutius ur-  
gere poteris , liberius suadendo . Bonos tā-  
men authoritatem viros propōnendæ rei quæ-  
res , ne in contemptum trahantur , ut ne tu  
patrocinando rem postea stabilire possis.

59. Quod alibi in observationibus bellicis  
dictum : Utendum recenti terrore in hostes , hic  
item per familiaritatem verbū dici potest , re-  
centem terrorē etiam apud suosmet cives mul-  
tum posse , ut à prætextu impositi recentis  
metus ( si dextre instando licetque utaris )  
pecuniarum collationes , tum operas in cor-  
rigendis pervetustis munitionibus , bona  
item leges , facilius minore invidia apud po-  
pulum obtineas , quæ alijs per altercationes  
turbas , odia immō , vix quidem assequeris  
si absit metus .

60. Absentiâ tui, meliorem fuscitâ & tu-  
cate amicitiam, immo & auctoritatem; lite-  
ras tamen non intermitte & nuntios, polli-  
cere tui præsentiam, trahe interim & pone  
moras. Luna, Solis amica, decus & lumen  
quod habet, illi debet, quo remotior tamen;  
pleniū perfectiusque lucet, proximius ad-  
mota; decrescit, si plane concurrant, Lu-  
na penitus amittat lucem, aut Sol necesse  
beat in Eclipsim. Sic vere amicorum ma-  
gnorumque virorum mutui congressus aut  
crebrius negotiorum commercium, majore  
jactura amicitiae, tum auctoritatis fiunt,  
quam ut novum aliquod argumentum in ma-  
jus stabiliendū paretur. Sæpè unus in altero  
non reperit in præsentia, quod sibi absens  
pollicebatur; unde verè dictum: *Minuit  
præsentia famam, saepius Absentia prodest;*  
*Miraris? legi, vidi, probavi.*

61. Modicā munusculā offeres amico, non  
simul, sed rarius ac potius minora prius, de-  
in majora, maxima nimis sero, ut diutius  
dando sufficiat, partim ut semper restet,  
quod maius speret à te amicus, hec relin-  
quat quam suo damno. Usu probatum axio-  
ma: *Gratus esse hominis animo ascendere in  
parvis, quam persistere in magno.*

62. Maximum rigorem prius intende in  
speciem; temperaturis postea ad famam cle-  
mentiaz.

63. Experientia probatum , magis appeti eorum amicitiam , plusque ab homi ihus æstimari , qui neglectius eam servant , modò amant , modò offendunt , offendendo & amando non assidui , (non tamen leves) modò potentia terrent , modò comitate trahunt Neque causam reperio , quām ab opposito um ratione , quod magis elucescat , & sapidior reddatur amicitia , quasitunc magis optanda , dum amittitur : secus evenit , ut eorum amicitia minus æstimetur , qui de paranda aut retinenda studiosè & appetentes nimis laborant , ut aliquando necessarium sit non nihil suboffendere : tum modicè neglige amicum quo magis retinere vis , (quam ut perpetuò adhæreas ) sed non diu adversa fronte & vultu , ne posthabearis .

64. Sæpè quod preces non possunt , mino (aptè accommodatæ) operantur .

65. Non moliaris , nisi que præstare potes , ne prodas impotentiam .

66. Si aliquid adversi tibi accidat , dic potius : sponte te accepisse , quam ut supplanti nolens videaris , veluti invalidus , & ob viae impetioni expositus , potius fortuna tibi obedire doce .

67. Alienanti se amico à te , aut clienti sine causa , sponte media offer reconciliandi potius bonis quibusque modis eum in amicitia retenturus , (medium tamen inter gravitatem) quam ut acerbitatem pro acerbitate

te reddas quæ magis abstrahit, quam retinet in amicitia amicum, nisi alias potenter pervincas.

68. Minæ vigilantiam adversarii acuunt ad cavendum, immò præveniendum; tu, si taciturnus es, plura præstabis, non tamen ut noceas, verum ut caveas tibi, quod est penes virtutem.

69. Potius capiat per modica, aut sensim sperat amicus, quam ut totum simul habeat. Non enim obligant quæ sunt data, licet maxima; sed quæ dabuntur, licet modica. Animus hominis imitatur oculorum situm, quos cum anteriori parte corporis ingessit natura, non ea quæ post se sunt, sed quæ ante posita, vident; sic ille pensat non accepta, sed accipienda.

70. Redditurus mutuum beneficium pro beneficio moram adjice, ne dare videaris in recompensam dati, sed velut in obligacionem futuri.

71. Exprobranti offensam amico non serio excusa, excusatio prope metum est, & loci inferioris signum, responde potius neque illius esse exprobrare, neque iuum excusare.

72. Religiosos in pretio habe, quatenus quarum partium sint, devincies vero illos beneficiis & comitate.

73. Immò Concionatores ad te trahe, qui bona narrent, & populo, (quod vis utile in

publicum) persuadeant; quod non vis, sermone sed extra invidiam & ullius offensam, publicè diluant.

74. Opinio divitiarum & nummositatis parit estimationem, teges igitur tuos defecus, & arte aliqua honesta, sed procul ab ostentatione, omnibus impones, ut bene de te credatur.

75. Propositurus aliquid difficile populo, causas honestas propositionis per privatos rumores prius disseminabis.

76. Quantum in amicos dono daturus destinasti, præstat cum iis aliquando honeste commessando consumere, cui diutius sufficiens; quod vero diutius durat, magis in oculos incurrit & obligat. Adde: quia unica commissatio potest plures simul obligare, unicum donum hominem unicum obligat, immo aliorum (accipere præsumendum) invidiam provocat.

77. Mirum dictu, quantum laetior mensa, & liberalior convictus pariat amicorum, si cui per artes politicas inter concives crescendi studium adest, ut velut in alias virtutes incuriosi, hanc præcipue viri Politici in quovis venerentur & ament, aut sine illius condimento cæteras obiter transeant; immo vitia nonnulla hoc obiecta suco, dum mollius accipiuntur, sponte dissimulent. Sic igitur intra magnanimitatem erogare lucrum facere est; immo nonnunquam conducibili

us, ultra parsimoniæ terminos in eo procedere ad usque confinia effusionis, modò ne sit factum intra affectatam prodigalitatem cum decoctione bonorum extrema: velut multos apud nos vidimus sic creuisse, floruisse, & intra civium favores præstitisse multa, ut opimam amicorum & fortunæ colligerent messem, cum haud parcè Civium animis seminarent sua. Certissimum enim magnitudinis signum est, maximèque incurrit in oculos vulgi, tum in affectus, posse pacere multos, eoque multis bene velle. Nec mirum, si Christum vulgi sequens turba in Regem creandum rapere voluit. *Ioan.*  
*6.* cum tot hominum millia ex sua divina penitentiâ non pavisset modò promptè ad saturitatem; sed fragmentorum copia magnitudinem convivij & Domini pascentis divitias loqueretur. Sed intra dicti reverentiam sacra maneat: profana liberius nos loqui licet. Non ab alia occasione primitivi Poloni Piastū olim è plebeja domo; ad purpuram evocaverant. quam cum divinum quiddam illa ætas inesse viro crederet, qui pro modico agello, quem colebat, ad stuporem usque comitiorum (neque enim sine speciali miraculo teste Historiâ factum) tantum alimentorum ad usque superfluitatem humaniter excipiendis advenis sufficeret, ut plus erogando plus semper illi restaret, & simul magnitudinem cultioris animi in eo viro metirentur,

qui sicesse cuperet cunctis amicus & hospitatis.

78. Astutis, arte simili aliorum astus eludere, mos est; ideoque secum in amicitia facile conveniunt, dum retaliare sciunt; rectiores nesciunt, nisi plerumque deserendo convictum, & rem cum illis planè vitando, donec in meliores amicos incurvant. Vulpes cum vulpe, urso unicum altero, aspidi cum aspide haud mirum si conveniat; cervis equisve, nisi cum mitioribus, aut sibi similibus vivere securum est.

79. Dum sunt nonnulli fucatae faciei, liberalioris convictus, praesertim si habeant aliquas species virtutibus similes, ipsi subdoli, & modis illecebrarum potentes, vel quorum vultus est opportunè mendax, tum in speciem probitatis sermo est facilis ( haud spernendus capiendis hominibus hamus ) facile eo condimento trahunt plerosque in sui laudem, tum in amicitiam, non tamen altioris mentis homines; verum illos ex simplicioribus, qui velut minutiores aves, facili capiuntur visco. Recti vero & prudentes viri, non illa exteriora morum & fallaciarum inania, sed intimum introspiciunt pectus, & nisi solidiorem virtutem, tum amicitiam pensant. Quanquam convictus liberalioris amænitas, si penes rectam virtutem, & prudentiam aliqui pectori infedit, miros effectus parandis amo-

amoribus hominum facit, totumque in animos potest.

80. Videntur esse nonnulli amicabiles, recti, prudentes, dextrique agendo, & planè cum virtute magis quam sunt; immò nonnulli non videntur esse, cum verè sint. Nisi tempus & occasio aperit virum: ut prima iudicia de hominibus sàpe nos fallant, velut de ingenio nationum subtiliter quidam: *His spanos factis & moribus magis videri intolerabiles, quam verè sunt. Gallos magis esse fortis, quam videntur.* Sed inest causa, circa horum amoenitatem, illorumque tristitiam (vel gravitatem actionis & morum) prout hujus, aut illius sumus &quipensatores. Nisi igitur falli vis, sustine suadeo calculum seu damnaturis, seu probaturis, & à tempore, tūm actione judicium exspecta. NE-  
RO flagitiis & sceleribus velamenta quæsivit. GALBA major privato visus, dum privatus fuit, & omnium consensu capax imperii, nisi imperasset. (Tacitus sparsim.) VESPASIA-  
NUS solus omnium ante se principum in melius mutatus est. OTHO contra spem omnium, non deliciis neque desidia torpebat; sed quo magis fuerant dilecta & voluptates, dissimilata luxuria, & cuncta ad decorum imperii composta; eo plus formidinis afferebant falsæ virtutes, & virtia redditura. In Vitellio multa grata sanc  
& popularia, si à virtutibus proficerentur. Et argutè idem de Pompejo: Pompejus occul-

ior, non melior. Hæc alii; sed addam ex meo, & ab experientiâ. Pierique sunt boni, donec, qui corrumpat, non adest: immò inest semper aliquibus malefaciendi animus, sed deest occasio; boni sunt, dum malos esse non licet, aut præpediuntur. Requæ Sallustius de quodam: *Ore probo, animo inverecundo.* Et Vellejus: *M. Lepidus formâ, quam mente, melior.*

81. Mirari debui dictum; verūm fatisfactum mihi ab experientia, quod argutia Italicâ nuper proverbio circumculit: *Requiri ad gradum prosperoris fortunæ, ut insit alicui nonnihil ex Fato & Intruso.* Nam hoc modo citò involatur in notitiam, & confidentiam intimorem *Aulæ*, tum *Vulgi*. Non præmerentur hi quidem virtute, sed arte suffuantur gratiam, ad modum naturâmq[ue] omnium & l[ic]uli facilius se componentes. In impertinentia se ingerunt non vocati; ludicra, seria, pari importunitate tentant: & quandoque succedit, ut pro tempore non displiceant. Non offendunt alios, nec etiam à ceteris ipsi offenduntur: verūm intra jocum, & amicitiæ libertatem facile habent, & condonant totum. Alloquio faciles, respondendo amceni, per mixturam levium mendaciorum promptè indomesticantur, non multo apparatu recipiuntur. Neque sunt *Morosi in ceremoniis, & formulis*, haud quam suum cultum requirentes; dumque non faci-

facilè succensent personis, & rebus obviis  
parabilib[us]que per omnia contenti, censura  
eorum non timetur ex imposta confidentia,  
& ex eo amantur. \* Adde: si forte super h[ec]  
sunt audaci[us], multum honoris, & præmio-  
rum sibi arrogant, & obtinent per importu-  
nitatem dum facile alloquia subdolis succe-  
dunt ex impudentia, & occasionibus inslan-  
ter non desunt intrusi. Directa vero virtus agit  
totum cum modestia, intra verecundiam,  
& dum importuna cavet, opportuna quan-  
doque intermittit. Sed hoc non ex virtute  
vitium, verum seculi, & eorum est, inter  
quos vivitur; dum rectum non prompte no-  
scunt, nec acceptant. Tamen illa solidior  
est agenda, tandemque post tempus cognita,  
plus æstimatur. Illi priores saepius, utilevi-  
uscui, ludibrio habentur, & in seriis minus  
ponderis habent; mensaram nisi sodales, lu-  
dicrorum alumni, non nostri, sed fortunæ  
tantum amici: prout certè cum hac mutan-  
tur, nosque decipiunt, ad manus nostras,  
non ad nos respicientes, facilè ad alios tran-  
sunt, unde plus utilitatis speratur.

82. Aliud est esse innocentem: aliud habere  
proxim evadendi. Aliud est scire imponere:  
aliud justam habere causam. Aliud est esse  
fortem, prudentem, vel bonum: aliud videri.

83. Di-

\* Genus duplex intrusorum: Sernile, vel Audacito-  
rum: prioris generis sunt aliis, hi sibi utique melio-  
res.

83. Divinæ potestatis & prudentiæ, non  
hominis, opus: æquilibrium rerum tenere,  
causas combinare ad vesanas, tum ex contra-  
riis elicere bonum. Frustra ingenium homi-  
nis laboret, aut perspicacia contendat ad  
certam regulam se componere, & publici  
statūs, vel privatæ actionis ea in parte forma-  
re sibi maximas; nisi confundi velit, seipsam  
serius citiusve periculo involutura: immo  
illud est meticulosi, tam versuti, quam per-  
spicacis animi signum. Exinde verè dictum:  
*Mēdia via nec amicos parat, nec inimicos tol-  
lit.* Qui oppositarum partium, hujus illius-  
que simul amicitiam quærerit, aut utriusque  
simul offensas (*per obliqua*) vitat, poterit  
aliquanto tempore scenæ servire; deinde  
deinde larvâ ut fallax hypocrita & versipellis  
deceptor ab utroque odio habebitur. Sit  
intuitu emergentis boni qui oppositas sibi  
personarum aut populorum potentias, dein  
amicitias & offensas æqua lance conservare  
studet, ne inter se committantur; tum, ne  
una noceat alteri, aut ne sit infra alteram ad  
æquilibrium moderamēnque causarum redu-  
cit: nequaquam sufficiet diu, quin altera in-  
valeat partem oppositam, & simul faute  
rem consilii sit oppressura. Sic veteri aliquem  
su' offendere, non tamen quæ sunt parandæ  
amicitiæ penitus facere; sed potius per ob-  
liqua tacito irritare; aut secus tentare in rem  
suam assequi, quod est alterius partis cum  
di-

dispensio & offensa, simûlque se amicum  
 profiteri elle; odium verius conciliat, quâm  
 intentum parat; nisi aut rem habendam pla-  
 nè, aut fortius pro æquitate urgendo grati-  
 am partis posthabeas, aliâs neutrum asseque-  
 ris. *Sic diffidere alicui, & simul intuitu spe-*  
*ciosæ cujusdam amicitiæ, tum securitatis*  
*non sibi satis caendo providere; immò ami-*  
*citiæ titulum affectatè quærere, ac deinceps*  
*dissimulanter agere: nec amicitiam habebis,*  
*nec res tuas statues in seculo. Sic publico*  
*bono tuendo, & simul privatis commodis*  
*aucupandis adlaboratus, alterum non ob-*  
*tinebis planè, publicum verò bonum certò*  
*certius subvertes. Sic Veritati, tum virtu-*  
*ti, aut auræ populari; Legi, tum justitiæ,*  
*aut populo; Principi, aut vulgò; debitæ*  
*actioni, aut parte ex altera parandæ opinio-*  
*ni nequaquam sufficies, nisi totus in alteram*  
*æquiorem tamen partem agendo incumbas,*  
*sequiorem studiosè oppugnaturus; aut, si*  
*res suaserit (rebus modò tuis alia ratione di-*  
*ligentissime provisum sit) posthabiturus sal-*  
*tem. Vulgò dum places, rem agendam pes-*  
*sundas: dum secùs ad rem probè agendam*  
*te componis, vulgi censuram mereberis. Un-*  
*de vetus, præsertim in bellicis, monitum*  
*tulit: Malo te sapiens hostis metuat, quâm stul-*  
*ti cives laudent. Sic (nisi aliâs tantâ potentia*  
*Vales, ut parte utraque posthabita, negati-*  
*vè te erga utrasque habere possis, per quieta*

media securus ) tibi neutralitas fœderum non  
 proderit ; verum alteri parti deliberatissime  
 adhærendum erit. Sic Artibus statūs totum  
 sedare , & conscientiæ legem non transgre-  
 di ; D E O placere , & simul ad illecebras mun-  
 di se velle componiere ; nec hujus , nec illi-  
 us legis æquus assertor futurus , scripturæ po-  
 tiūs censuram mereberis : Neque frigidus , ne-  
 que calidus es ; incipiam te evomere ex ore meo.  
 Non quod præstet , aut merè bonum , aut de-  
 berē esse merè malum ( velut obliquæ Politix  
 Doctor Machiavellus docet ) verum , quod  
 gravior malitia ab affectata intra virtutem ; &  
 nequitiam neutralitate , tum mistis boni si-  
 mul & mali actibus oriatur ; immo affectatio  
 sub pallio virtutis nequitia subest , & aliorum  
 vexatio ; quam si utique simpliciter malus  
 esses. Ut per omnia rectioris prudentiæ sit , &  
 conscientiæ ; ab utrisque partibus versan-  
 dis se totum separare , aut in unicam , æqui-  
 oreum tamen , se totum transferre , & agendo  
 in standove ex norma virtutis tum prudentiæ  
 fortiter incumbere ; res vero suas interim  
 consilio , & prudentia stabilitate in quieto. Qui  
 alias partium , rerumque oppositarum simul  
 sautor , commoda utrinque venatur ; rerum  
 prævaricator potius , & intervensor pacis ,  
 immo Sophisto-Politicus , quam Catholico-Poli-  
 ticus vocandus est . Seipsum astu involuturus ,  
 quo exercere studuit alios ; veluti multa ejus  
 tei exempla apud Historicos habes .

84. Débitum officii, præsertim vero *honoris*, erga pares, adeoque magis erga superiores, studiosè adimplebis, nec transmittenes neglectum. Etsi enim aliquando præstari sibi nolint, vélut incuriam simulantes, aut verecundè palam recusent, non sit, ut plenè habere non optent; immò sic potius promptitudinem tuam tacite experiuntur, in offendam alias tracturi, nì obtineant: aut si exequaris (modò non fiat affectatè, sed pro honoris debito tanto obligatores in posterum habebis. **Cape, exequere.** Non improbata dico.

85. In adversis, nè sis nimium mollis verbo, aut animo dejectus; nec secus in speciem generositatis, & instanti animi jocabundus neglector, transitoriè despiciens quæ famæ, tum securitati parandæ serviunt, aut momentis invalescent. Uti enim hoc levitas, aut supinæ incuria, tum parvi iudicij, sic illud pusillanimitatis, abjectæ mentis, aut ignaviz signum est; immò prostituti in probrum animi certum indicium. Potius ages totum, intra perspicaciam, cautus, prudens, & graviter. Qui considerat, prævidet; qui negligit, saepius rem perdit. **Nihil agenti, neutquam assa (ut ajunt) columba venit.**

86. Senum actio, aut juvenum conatus longè differunt. Juvenes garriunt, aut clamitant; senes agunt. Sonum illi, pondus h̄i

hi rerum captant. Junioribus pro calore ætatis properantia placet, & audax, magnanimus videtur, quod sèpè temerarium; providentia senioribus, & cautio maturior inest: unde sapientius sunt cunctatores, rarius periclitantur, aut eventu falluntur; in occasiones modò ex tacito intenti, velut somnum & inertiam simulantes. Juvenes iracundi, in offensas properi; viri maturiores dissimulativi, ac sèpè pacati, aut si tandem actio requiratur, intra prudentiam, & cum cura fortis. Illi res mirantur, multa vident, aliqua sciunt, nec tamen probe discernunt; hi facta aut facienda æquè penetrant, noscunt, & dignoscunt. Juvenes pro ingenuitate primæ ætatis dolum rebus subesse minimè suspicantur, unde facile deceptionibus expositi pro nimia securitate maturiores viri, quia plura per adversa sapientius decepti, eventuum gnari, pigmenta rerum, & rationum spernunt, superficiem omittunt, verum larvā detectā, introfusū res, ipsaque fundamenta inspiciunt & scrutantur: peritos venatores imitantes, ulpes ne? aut lepus? tum ferox apér, vel certe nobilior cervus impresserit gressum, per ipsa vestigia species ferarum noscitando. Instant igitur, prout res, & occasio suadet, aut seclus, passibus suspensis in res vadunt. Notemus aduersa casuum reputat, quem fortunam non nunquam decipit, ait quidam; sed rectius alter.

alter: *Mibi fortuna multis rebus ereptis usum dedit bene suadendi. Juvenes deinde suaviloquio plerumque laborant, & talia libenter audiunt; in cætera incurii: discursibus per inania rerum vagantur, quæstiunculis lascivunt, & ludunt; nam sæpius ex imperfecta scientia de rebus dubitant, proinde vexant res magis, quam agunt; incipiunt, dein deserunt: senes perseverant constanter, dum à fine res capiunt, nec ideo tentant frustra, minimè ex voto finienda, sed delibera- ratè aggrediuntur: quia verò non hærent in mediis, verùm scopum rerum petunt expediti, super objecta breviloquio decernentes, hinc juvenes succensere amant senioribus velut rudi Minerva negotium agentibus, dum pro ingeniolo, & pro curiositate eos metiuntur, pigmentis ipsi rerum & verborum assuefacti. Inest tamen senibus consummatior peritia, tentant aliquando simplicia, & proximiora in medelam, quia illa præstare magis credunt quam longè quæsita. Addo brevibus: tuta, haud secus periculosa, ante tempus seniores prævident, & ex vero indigitant; si præsertim ipsi pro paranda peritia non otiosam, verùm per negotia exercitam ducunt vitam, graviumque Historico-rum lectioni immorantur, quæ suppleat æatem. Juvenes super hæc reguntur affectibus, ac præsertim respectibus primò crescentis fortunæ ducuntur; senes potentiùs suis*

affectionibus, & appetitui dominantur, id est  
que commode alios regunt. Dicam verbo:  
juvenum actionem esse amorem, & quod-  
dam cum condimento vernalibus diebus simi-  
lem; maturi viri laboriosæ, sed cum fru-  
ctu, & statim assimilantur; magis enim seruum  
gravem, ac proinde tristiorum modum actio-  
nis habent, severiores sunt, verum in vir-  
tute constantiores: juvenes agendo molles,  
& sapientius leves. Hinc viris maturioribus  
expeditius res succedunt, dum non tene-  
tur à negotiis, nec hærent, sed tenent illa;  
& regunt ipsis pro arbitrio. Velut peritos Au-  
tomatarios, id est: horologiorum fabros  
si videoas, non satis miraris crassâ & fuli-  
ginosâ manu, nec certè delicatiore palpatu  
subtilissimas horologiorum rotulas audacter  
eos velare, per minutæ partes distrahere,  
dein velut nulla artificii cura & attentione  
prompta manu in pristinam formam redigere;  
quæ omnia ignarus artis, delicatissimo licet  
contactu, disturbat verius, quam ut recte  
expediatur: aut si forte aliquis, crebro intui-  
tu, & arte se percepisse aliquid putat, ut  
etiam laborantem arguere non dubitet; dum  
tamen rem tetigerit ipse, nec prima, nec  
media scit, multoque minus postrema.  
Promptius est aliena redarguere, vel sugil-  
lare potius. quam sua probè facere Juve-  
num consilia modusque agendi vinis recen-  
tibus

ribus similes, quæ plus dulcoris, plus etiam  
fæcis habent; palati grata, stomacho & sa-  
nitati nociva; aut licet quoquo modo clare-  
scant, minus tamen ex virtute habent, quam  
per annos defæcata. Quod sequens dies ju-  
niorem erudit, viri maturiores hodie jam  
sciunt. Ideoque commode rem claudio re-  
stâ cujusdam in juvenem proterve loqua-  
culum, rebusque obstrepentem indigna-  
tione: post annum te si prudentiorem putas,  
cur non me itidem cautiorem credis fore?  
qui tot annis multisque casibus te supero.  
Cùm omnia honestarum artium juvenes ha-  
buerint, rerum experientiam, prout eve-  
niunt, nondum habent, eoque senibus in-  
feriores sunt. Affectata, ludicrave il-  
lis placent; maturis res tantum,  
& seria.



ANDREÆ MAXIMILIANI  
 FREDRO,  
*Castellani Leopoliensis,*  
**MONITA POLITICO**  
**MORALIA.**  
**PARS SECUNDA.**



Quod radiis Titan, monitis hoc regula, praefat:  
 Ille regit mundum! *Dirigit* hæc animam,

I.

**E**xprobraturus aliquid publicè  
 privatimve amico, aut populo,  
 potius terreas, & trahas exprobratio-  
 nem; ut interea obtineas quod vis. Dif-  
 mula-

mulata enim timentur; evulgata, ut jam  
transacta, contemnuntur.

2. Retenturus alicujus amicitiam non statim, dum injuriam accipis, exprobrabis illam; ne levi occasione alienes amicum. Omnidè tibi diffidet ille, qui te offensum videbit, ut necessariò averti debeat metu, vel conscientiâ facti, vel consilio, dum te facilem videt in offensam.

3. Beneficium, aut pensiones, etsi plures in annos alicui prorogare in animo habetas, assignabis tantum annuas; partim, ut si necessitas suaserit, sine offensâ auferre possis dum velis; partim, ut dum prorogaveris, velut iterato beneficio accipientem devicias prorogatione.

4. Ignei homines ingenii, tum leviculos, licet per alia tibi opportunos, cave, nec tibi adhærere velis, seu sint amici, seu clientes; immò dum advertis, festinanter honesto prætextu eos procul amovebis. Nisi enim mature feceris, amoveri postea non poterunt, nisi magno tui fastidio, ut saepius difficulti negotio implicari debeas amovendo. Rem ipsam in meis casibus expertus scribo.

5. Etiam illa ingenia clientum sunt multi periculi, & officiunt nobis, quæ sunt propè importunitatem, audaculè fese intrudendo, suadendo, petendo, accusando, hos aut illos laudando, curiosè abdita rimando, tum

rebus imponendo; præsertim dum sciunt & amant per dicacitatem ingerere suavia: cùm verò suaviter loquuntur, & speciosis quæstionculis sensim tentant, facile nobis, sine sensu, polentibus imponunt, quorum mox nos pœnitentia; ut non aliter eam pestem loquendi, aut hominem vites, quām non audiendo; aut te planè avertendo, vel, quod præstat, procul relegando loquacem. Non aliàs magis CHRISTUS indignè tulit Petrum corripiendo, quām dum in importuna, per speciem confidentiæ, curiosè se ingereret: *Hic autem quid?* Tulit enim promptè responsum indignationis, & correctionem: *Quid ad te? tu me sequere, sic eum volo manere, quid ad te?* &c.

6. Cum unus, aut plures studium aliquæ in re obligant, aut amicitiam offerunt, vel aliquid præstare faciles, quod in rem sit, utere recenti promittentis affectu, urge intentum non differendo in tempus. Frustraneum ea in parte dilationis seu, ut vulgus ait, *discretionis* nomen. Certò certius per momenta tēpescere hominum affectus, & remitti potius, quām intendi; ut sæpè via tio mobilitatis humanæ alii in horas simus, posthac difficilius optatum habituri, quod ante sponte oblatum vidimus. Ast promittit ille / inquietus propensum se fore in tuas partes? Falleris; præsentis enim vis est affectus, non futuri, qui bono casu, ut brevi abi-

abiturus, oblatus : qualis verò ille futurus postea, ipse qui obligat, ignorat ; mutato verò affectu, mutabitur intentum. frustraberis igitur, quod obtainere sperasti, nisi extra dilationes aste qui rem coneris. Nonnullis immò, bene & amica loqui sèpius consuetudo, aut potius modus affectus ; & quò effusiores sunt suaviloquio ed. magis in amicitia fallunt. Cautus ideo sis pensandis veris amicis, & ab opere potius, non à verbis ponderabis, ed. citius prætervolaturis quò promptius extra deliberationem efferuntur, quasi nullas radices ab intimo amico & affectu petant duratura ; verum in superficie modo linguae cum saliva abitura, & nata.

7 Non amici solum affectus, sed etiam contrarii in recenti maximam vim habent. Falluntur exinde, qui spreta prima reconciliatione, submissiorem sperant alteram, quæ potius tantò minor futura, quantò magis procrastinabitur. Ut enim omnes res recenti sensu gravius intenduntur; sic qui intulit injuriam, novitate delicti, vel à conscientia recentis facti, proprius pœnitentem est; quam si evulgato pudore, & consumptâ ignorâniâ, depudere didicerit. cum ipsum vulgus, per familiaritatem rumoris, primò rem minus mirari, dein acerbius loqui, postrem deditiari factum desinit. Sapè ideo pœnituit multos, non admisisse primam reconciliationem, ut nullam postea haberent, cum

maximam sperarent. Præoccupabis ver  
prudenter modesta facilitate, neque reji-  
cies pœnitentem: similiortamen renuenti;  
ne pecces facilitate.

8 Rarius utaris eodem curru, strato, cu-  
biculō, mensa, domo, exercitio. Nimia  
familiaritas parit contemptum. Continuus  
aspectus minus verendos homines affidua sati-  
tate facit.

9 Res adhuc in quæstione: utrum amari præ-  
stat, an metui. Dicant, quod volunt, alii. Me-  
sententia, uti DEUM, sic hominem nemo recte  
amat, nisi metuat simul aut saltem nisi revere-  
tur. Non igitur serviliter te demittes, & effun-  
des in officia amici; neque nimius eris affecta-  
tor aucupandis amoribus alicujus, quod pe-  
nes contemptum est; sed ages graviter, partim  
ut queras amicitiam, partim ut tua quaratur.  
Honorabis, sed ut honoreris; immo aliquan-  
do, idque intra gravitatem, & extra affe-  
ctum, amicum modicè negliges. Timeat  
negligi, si ipse te negligat, & non amari,  
nech honorari, nisi ipse studiosè te amet, &  
honoret. Qui te igitur non reveretur, is  
nec recto, nec durabili amat amore; dum  
facit magis pro discretione, & voluntate sua  
quam pro merito tuo. Addo pressus lo-  
quendo: quod amari sit in aliena potestate,  
prout nostri actus cum bona gratia, & affectu ob-  
aliis acceptantur; ut verò metuamur, esse in  
potestate nostra, ut non semper quando vo-

lumus, amemur; semper verò metuamur, dum volumus: præsertim si incurratur in homines, qui, cùm ad normam virtutis, legisque præscriptum omnia fecerimus, aut rem non intelligunt, aut pro malignitate secus interpretantur. Nam si in tanta depravati seculi malitia clementiam rectoris delinquentium insolentia superet, ut necessaria correctione in aliquos opus sit; tunc justitiam, sagitiam vocabunt, nosque pro sua malitia, non merito nostro oderint; cùm ne Divina quidem, licet proba sint semper & optima, malitiosi hominum probent. Aliquando pluere, grandinare, æstuare, non ad suum beneplacitum, sed ex arbitrio cœli factum, illubenter ferunt; cùm illud interræ fecunditatem pro gratia, aliud in pænam pro justitia immittat DEUS, nec unquam argui possit. Ac præinde præstat inhærere causæ, quæ à nobis dependet, quam quæ ab alterius venit discretione. Non tamen metus absque amore securus; immo obest omnino, nisi metus ille valeat, qui ab abstimatione nostri provenit sponte in animis hominum peractus honestos & graves, adhibita prudentia & comitate, non verò, ut nonnulli falso arbitrantur, à potentia nocendi. Dicam amplius: metus nisi erga superiores est, quos aliquali re prævalere nobis arbitramur, amor non potest esse nisi erga inferiores, aut saltem erga pares. Si verò

superiores à nobis amentur, potius *Cultum*,  
 aut *Reverentiam* dicas, quam absolutè ~~simo-~~  
 rem. Quod verò aliquorum belli Ducum  
 virorūmque egregiorum excessiva severitas,  
 Manlii, Corbulonis olim, & inter recentio-  
 res Ducis Albani, Comitis Fuentii, aliorum  
 que inter recti exempla sit; impossibile, si  
 hæc sola trux, austeraque sine aliarum hu-  
 maniorum virtutum condimento inesset, ut  
 tantum authoritatis in suos paravisset,  
 necesse ut penes excessivā severitatē excel-  
 lentes quoque virtutes pro contestatione  
 magnitudinis exercuerint. Sæpè later vitium  
 proximitate boni, immò altioris virtutis in-  
 terventu pensatur. Erant in multos severi,  
 sed in bene meritos liberales; labori caitro-  
 rum imperando immoderati, sed nec sibi  
 ipsis parcentes; fortes simul, & successu in  
 admirationem felices, jussorum exactores  
 austri, verū erga promptos & obedientes  
 grati, & pro comitate imperatoria nimium  
 accepti; deinde erga affictos, egenos, in-  
 juriatos, victosque prompti, liberales, ju-  
 sti, minimè avari, magnanimi, moderati;  
 licet alias contra tumidos, & insolentes in-  
 surgendo graves; demum nec bellando fla-  
 gitiosi, nec vincendo insolentes. Si verò  
 illi non aliud scivissent, quam flagra, secu-  
 res, cruces, funera loqui; nec apud suos  
 ex autoritate obedientiam, amorēmque  
 nec in exteris admirationem factorum, vir-  
 tu

tutisque suæ paravissent; sed velut feræ sylvestres, nisi nocere scientes, terrori suis sent, & odio. Aliqui præterea pro indulgentia naturæ ita sunt formati ut ea non in animo tantum quiddam magnum illis impresserit, sed per exteriora quoque occultam gravitatem in facie, aspectu, alloquio, corporisque formâ diffuderit, quæ sola primo intuitu æstimationem pariant, & velut præcursoriores sint in animos hominum, & in aestus parandis amoribus ac præterim conciliandæ authoritati, antequam altior virtus se exerat, & innotescat; prout de Corbulo-ne obseruatum tulit Historicus: *Corbulo omnium ora in se verterat, corpore ingens, verbis magnificus, & super experientiam, sapientiamque, etiam specie in animum validus.*

10. Interdum parùm neglige compellando dicto scriptōve. Timeat amicus aliquando negligi, & posse offendī; sed statim familiariter recipere, ne diutius neglectus assuefcat sine te. Ut verò aurum purius post ignem, sic motu melior fit amicitia. Vina etiam meliora, quæ penes dulcorem sunt modicè acria.

11. Dum frustra niteris impedire æmulum, malis eum juvare, & operam ultrè offerre; ut potius opinionem amicitiæ obtineas, quam ut frustra impedisce illudaris, quo impotentia tua prodatur.

12. Cùm alicui potenti æmulo resistere non potes, potius quæres amicitiam, præcui tamen à suspicione quærentis, cuius subtitulo, facilius rebus obviam ibis, & illi resistes; quoadusque enim inimicus est, contravenire aperte studet; dum verò speciem amici induet, lèpendæ amicitiae verecundia senebitur, ne tuis intentis contrarius sit: tu verò interiùm, quod in rem habere voluisti, sensim aliud agendo perficias; semota tamen omni fraude amicitiae, & dolo.

13. Omnia capere valenti totum dat, qui parùm negat: potius spontè offer, quæ extra offensam negare non potes; ut quoqu modo gratia tuæ debeantur, quâm ut invitas dare necesse habeas, nullo expensi in rem tuam commodo.

14. Distrahe potentes à latere æmuli; imò ejus intimos, domesticos, familiares, consanguineos: parando os tibi munificètiā, mensā, comitate: unde tibi omnia æmuli nota eront.

15. Da bona verba palam, & in absentia.

16. Nescientiam simula rei, quò magis omnia scis.

17. Vide, non videndo, omnia.

18. Non a perneris convictum æmuli, sed tamen rarius congregdere.

19. Minora quandoque consilia communicabis.

20. Nunquam verbo carpe præsentem; immo tueâre famam, si opprimatur.
21. Etiam offensus offensam dissimula, & velut non agnosce. Unicum remedium injuria-  
rum, si non intelligantur. Qui secus inter-  
pretando injuriam extendit, velut scalpen-  
do suum ulcus, per impatientiam sponte do-  
lorem auget.
22. Nunquam exprobra suspectam amici-  
tiam.
23. Rariùs congregdere cum æmulis; aut  
congressurus cum omni apparatu gravitatem  
indue, & catervâ clientum.
24. Vita consanguineos, & clientes æmu-  
li, etiamsi fidam operam polliceantur: fac  
tamen, quasi non vitando.
25. Patiaris adversarium; non agnosce,  
& velut loco amici habe, omnibus benevo-  
lentiæ signis præoccupando, & insidias mu-  
neribus antevertendo.
26. Maximum præsidium rerum humana-  
rum ex dissimulatione. Tiberius inter omnes  
suas virtutes *Dissimulationem* adamaverat;  
tu etiam quoad potes, stude dissimulationi,  
si sapis. *Qui nescit dissimulare, nescit regnare.*  
Ludovici XI. Regis Galliæ dictum ad filium  
Carolum VIII. testamenti loco: *Dissimula.*  
Igitur *Dissimula!*
27. Temerariè ambitiosus turbandis; ful-  
lus pertinax perdendis rebus accommodatis-  
simus. Fuge, quoad potes, talium consi-  
lia,

lia, multòque magis convictum; ne impingas in errores.

28. Peccant, qui nimia lenitate dulces. Cùm enim effusè dant se populari auræ, aut omnem infimæ plebis rùmorem affectant; contemnuntur. Virtuosi quidem hi sunt natura, sed etiam molles; ideoque ad res gerendas parum valent. Prudens rigor rebus non obstat. Mordent sanguisugæ dum prosunt. Nec enim aliqua difficultiora obtinebis, nisi pro tempore aliquod inconveniens in urgendum adhibeatur. Dem consilii medicis inest, ut in morbis malignis, & urgentibus admisceant potionibus de venenatis pharmacis, commovendis promptius pellendisque noxiis humoribus: verum adhibent simul diligentissime excellens correttivum, exquisitam dosim, perfectissimum temperamentum, sine qua cura medendo plus nocent. Instabis igitur opportunè, ugentiore verbo, dextra ostentatione potentiaz, minaciore vultu; intra tamen authoritatem: mox ubi terrueris modicè, rursus in molliora deflectendo, amæniore fronte, faciliore alloquio, tum obvio convictu, irritamenta amicitiaz ostentabis.

29. In malis mœstitiam, in bonis dissimila effusam lætitiam.

30. Quemque diem examina, an amicū paraveris, aut amiseris, & cura, ut pares,

31. Summa authoritas, nisi penes potentiam & fortunas; in minoribus pro superbia habetur. *Cavèbis igitur morosam gravitatem.*

32. Talem apparatum mensæ, vestium, & reliqui sumptus instrue, qualem semper habere potes. A minori potius incipienda omnia suaserim, quæ posthæc facturus es majora; ne eò majorem incurras in contempsum, quò magis laudatus fuisti, si idem esse, quasi lassus desinas.

33. Non demissè serviás majori; sed reverenter, & sedulus sis penes potius, quam perpetuus. Magnorum aliqui recepta amicorum obsequia non ad gratiam, urbanitatemque colentis; sed ad debitum, superbiamque suam referunt, & statim acceptorum obliviscuntur.

34. Eos etiam in amicitiam pertrahe, qui plus apud alios possunt.

35. Non prompti sint tui aditus, non obvia comitas: ea tamen moderatione rerum, ne superbiam titulum tibi parias.

36. Facilitas amittit authoritatem.

37. Oblatum munus potius lubens, & animosè accipe, quam serviliter gratus. Partim debere te, partim deberi tibi gratiam doce

38. Iube punire, non specta.

39. Non increpa, sed graviter admone, & torvo aspice oculo. Absit vero ut facias con-

contumeliosè; nam exacerbas magis, quam corrigis. Certè medicus asperitate curandi horrorem medicinæ ægro imponit magis, quam inducit sanitatem; ut ægrotare, levius nonnunquam accipiatur, quam per acerba sanari. Nemo sanavit vulnus scalpendo; verùm ungendo, & molliter obtegendo.

40. **Severitas** amittit assiduitate authoritatem.

41. Sine strepitu, aut acclamacione, seu exprobratione, puni delinquentem; sæpè verò lenius & modestè, quasi invitus facere videâre. Est prostrâsse satis, posse prosterñere, dum velis.

42. Majorem aliquando pænæ apparatus, verborum severitas, tum exaggeratio, imponit austoritatem Domino, & infamat punientem; quam ipsa pæna. Si igitur pro merito delicti punias; molliter saltem loquaris, flagitium non personam osurus.

43. Potius quandoque dicto contrarius sis, quam semper serviliter assentiaris. Doce aliquid tibi displicere, pro libertate sentiendi, quod est propè generositatem. Sed plerumque ab hominibus, à Principibus verò præsertim, ii pro sapientioribus, immò pro melioribus habentur, qui ad eorum sensum, & voluntatem magis accedunt, ac loquuntur. Decipi malunt, quam non ad gustum suaderi.

44. Bonum habetur ex integra causa, malum ex singulis defectibus; ait quidam. Quasi dictum velit: ad rem bene habendam omnia impedimenta amoveri debere. Minimus defectus si obstat exequendo, et si reliqua bona media videantur; res tamen haberi non poterit & intentum.

45. Sæpius cum titulo, quam sine, alio quere, quemque pro merito decenter honoratur; nec tamen affectare, ut similiter te compellandi, & hondrandi insinues necessitatem: secus (ve ut importuna ceremoniarum) si negligas; alios idem erga te omittere, tèque contemptum haberi posse doces. Quæ civilitas mutui honoris adeò in animis hominum valet, ut non privatis modò inter se civibus, sed magnis Principibus erga sibi subjectos non sit per incuriam transmittenda. Nihil enim magis offendit animos, aut verius exacerbat, quam contemptus personarum, si pro merito non honorentur; velut ille ad Principem: *Cur, (inquit) ego tè habeam ut Principem, cum tu me non habeas ut Senatorem.* Neque Julium Cæsarem aliud præcipitavit in necem accelerando conjurationem, quæ differri, aut sponeri poterat; quam Senatorum, Consulūmque contemptus, quod reliquum offensarum erat. Accedentibus (ait Plutarchus in vita Julii) ad Cæsarem sedentem pro rostris, Consulibus, Prætoribus, totq. e Senatu, Cæsar non

assurrexit, tanquam cum privatis hominibus colloqueretur; quod non Senatum modò, sed populum offendit civitatēmque; ideo rati per ignominiam Senatus, ludibrio haberī. Magna igitur cum tristitia discesserunt è curia, quotquot discedendi facultatem habuerē: adeoque Cæsar sensit indignationem eam, ut statim domum abi-  
ret, reductaque à collo ueste vociferaretur; se paratum esse ad præbendum (si quis necare ipsum vellet) jugulum &c &c. Ferunt verò, cùm as-  
furgere Senatui vellet, cùm ab amico, ut verius adulatore quodam suo, Cornelio Balbo prohibi-  
tum, monente (vide nequam adulatorem) ut se Cæsarem esse meminisset, séque ut præstantior  
rem colli pateretur, &c. Nihil igitur magis  
offensam in animis movet, quam si honos aut  
tituli contemptim auferantur personis; im-  
mò magis, si pro malignitate dicacitatis ad-  
jiciantur scommata, præsertim in ingenuos  
cives, qui è magis delicatioris sunt animi  
in offensam, què magis suæ virtutis sunt  
conscii.

46. Famulitium tibi sit decorum: equus,  
cibus, & honestamenta domūs.

47. Nunquam privatus fias, aut quasi in-  
cognitus.

48. Quanquā inter adversa sis; salva virtu-  
tis famā non vultu tamen demisso, aut suppli-  
ci, sed ex memoria prioris fortunæ agendum.

49. Aequale Matrimonium est pro authori-  
tate.

50. Liberorum bona educatio, & bona fama est Parentibus & solatium & æstimatio.

51. Domesticos clientes veraces potius habe, quam b' andiloquos, qui tibi ex fide referant, & præcaveant si aliquid in populo de te spargitur: ut eas obviam recte fatto, seu ipsi diluant, vel excusent. Falluntur: qui illos nimium placere volentes in amribus habent, venundatores potius tuæ famæ, quam amicos. Permitte sponte ( si sapis) referrit tibi modestè omnia extra metum, & offendam; ne ignarus sis obviando, vel præveniendo, immò te ipsum corrigendo. Vera enim exprobrat aliquando vulgi obtrectatio, quæ ipsi amore nostri, aut nostrorum, & per incuriam in nobis, nostrisque non advertemus; domestici verò coram nobis tacent, aut præmonere erubescunt. *Vult volens decipi, qui nisi blanda sibi narrari cupit.* Deinde domesticos tuos non nimis molliter, sed in actione occupatos habebis, ne innutriantur etio, occasionibus posthac emerfuis futuri inutiles, desidiosi, insolentes, dum pro injuria reputabunt, si ad actionem aliquam vocentur, semel desueti. Idem innuit perspicacia Salomonis Proverb. cap 29. *Qui delicatè à pueritia nutrit servum suum, postea sentiet eum contumacem.* Honoratioribus igitur domesticis per honestiora munerum, inferioribus per minora servitorum utaris.

52. Incessus latus, & gravis: vox submissa, cum opinione Majestatis.

53. Semper veraloquere. *Mendacium servile peccatum est*; immo naturam furti habet. Furtum rem aufert alienam: mendacium verbum congruum suratur veritati; prout commune proverbium Polonum fert: *Mendaces consequenter esse fures*. Immò sunt leves, garruli, infidi, inconstantes, versuti, simulativi, fallaces, venales, injusti; nam sed idem ex non recte agendo vitii suppositum habent. *Veritas mater virtutum est*, exinde cum omnia recte faciat, *DEUS veritatis vocari voluit*; in diabolo, quia obliqua omnia & contraria sunt, Patris mendacii supremum titulorum habet. Quem igitur rectum virum probatum cupis, vide, an dicto veras sit? vix enim fieri potest, ut factio obliquus fiat. Veritatem semper probo, & suadeo verum in aulis Regis ingratia ut plurimum veritas est: pauci sunt veri amantes *Josaphat* sed plures *Acab*: prout certe, si veniat in aulam verax *Michæas*, indignationem Regis experiatur (*odi eum, quia non prophetat mihi bonum, sed malum.* III. Reg. cap. XXII.) aut incurendum in colaphum adulatoris *Sedecie*. Abesse igitur a consilio praestat, praesertim si odio multo, nullo fructu, veritate laboreatur, vel cum ades, veritas omnino loquenda est. Praestat amittere gratiam, quam con-

conscientiam ; immò præstat agere *Michælam*, quām falsarium *Sedeciam*.

54. Satiùs te submelancholicum, aut gravem potiùs, quām jocosum agnoscant, effusèque hilarem. Comitatē tamen serva cum illis præsertim, qui ad mutuam humitatem, non ad suū fastum referunt omnia arroganter.

55. Quod scis per obtrectatores detrahendum tibi, quod tuꝝ domui, aut in moribus casu obveniat, potiùs præoccupabis sponte fatendo. Non detrahent, neque loquentur in exprobrationem, quꝝ fateris ; aut in quo te ipsum sponte culpas, aut perjocum habes.

56. Cave, ne unquam conqueraris, etsi pro impatientia doloris opportunum credas. Deesse enim tibi aliquid sponte fateris, circa amicos, vel circa fortunam, proditor tui ipsius & ægritudinem animi simul detegis, etiam ignotis ; ut qui te omni ex parte felicem credidere, magis inde æstimaturi, jam secūs aliquid demptum credunt, in levipendium. Omnes ideo hilari vultu excipe, quasi omnia ex optato fluant. Non alia re magis invidos tibi confundes, qui aliás tibi adversa optarunt.

57. Non in vestitu superfluo, aut domo exquisitis monilibus ornata (modò hæc sint necesse circa honestatem) verùm in virtute, & morum constantia, viri Politici authoritas consistit.

58. Severitate sis gravis, & blandientibus incorruptus. Adversus minantes invictum habeas animum.

59. Omnibus sis cognitus, & comis. Multos sæpè convictui; raros secreto intimiori adnitte.

60. Observantiam tui in minimis firma in præsentia majorum: ut exemplum honestitatem liquis inculces.

61. Plura sæpe in nos peccantur, dum complacemus, quæcum dum contrariamur.

62. Hoc sores, & præmia ipse tribuas; pœnas verd, aut redargutiones, si quæ irrogari justè debeant, irrogari cures ab aliis: ut aliorum invidiâ acerbis sis, tui meritò munificus, & amabilis.

63. In consultatione, dum contrariæ emergunt opiniones, qui medium attulerit, plerumque omnes in suam trahit sententiam; non quod melior ista, sed quod ad medium, quam ad totalem assensum adduci se plerumque patiantur homines.

64. Cum magnis Viris & Principibus extraneis notitiam quære; & communicacionem literarum, aut internunciorum inferes.

65. Structuræ non vulgares, statuæ, templo magnifica, famam authoritatis retinent, & parant opinionem; item sapientum monumenta nomini dicata. Nam quæ majores requiruut impensas, nisi à generosis pectoribus facta veraiunt: præsertim cum non sui

luero, sed publici commodi intuitu impenduntur ad famam postericatis. Sic Zeuxes, pictorum præstantissimus picturas suas excellentes nullo pretio exponebat, civibus eas gratuitè daturus: ut magnitudinem animi testaretur; immò forsan, quòd arbitrarentur operam suam è Æstimationis ascensisse, ut omne pretium superaret.

66. Propositurus aliquid populo, aut amico, quod in rem mutuam sit; potius quæres modos, ut petaris; non petas.

67. Consulebat ille non leviter suæ auctoritati, qui inter colloquendum stabat aperto capite: ne sedendi, aut tegendi capitib[us] minoribus foret necessitas.

68. Histrionum, & levium ludorum non sis spectator. Tamen nonnulli honestæ popularitatis loco ducunt, habere intradomesticorum numerum joculatores, & histriones lepidos. Ait *Marius apud Salustium*: Sordidum me, & incultis moribus ajunt, qui pa-rum scitè convivium exorno, neque *bistri-nem ullum*, neque pluris pretii coquim, quam villicum habeo: nam ex Parente meo accepi; munditias mulieribus, viris laborem conve-nire; arma, non suppellectilem decori esse.

69. Voce oppressos defende potius, quam opprimas: & patronum miserorum publicè age.

70. Loquaces, & leviusculos, tum vino-lentos, noli laceſſere verbo.

71. Legatos extraneos honorifice domtuæ excipe , quò famam nominis spargant & ab iis cura salutari.

72. Postula magis , quām supplex roga , quia facilius res sic habentur , ac potius per alios , nec unquam oblitus tui. Illaudatum aliàs Othoni ( apud Tacitum ) Qui protendens manus, adorare vulgum, jacere oscula, & omnia serviliter pro dominatione.

73. In publico populi consilio , multa objecta sàpè solvuntur taceendo , multa respondendo ; immò multa non audiendo.

74. In gravioribus causis , aut quæstionibus , tum objectis , si melioribus consiliis reflecti non poterit ; non quid respondeas , sed quemadmodum non respondeas , cogita.

75. Qui multa respicit , nihil agit , dum consilio , seu dum factò opus est. In consultando præsertim illi , qui merè in partem assentientium transeunt , aut qui merè contrariantur , probantur. Ambigui verò , seu neutrales , vel ut vulgà ajunt , Non totaliter resoluti , neque apud populum , neque apud Principem parant sibi authoritatem , utrique parti suspecti. Rectè dictum : media via nec amicos parat , nec inimicos tollit. Tum illud : tremula manu vitrum capiendo , quò magis frangere quis cavit , frangit. Meritù succenseret Tacitus ( Histor. III. ) Vitellio , ejusque Pro-Duci , dum in hanc , illamque partem studiis distenditur , & expendit diversa , cautus nimi-

nimium esse cupiens, proditor sui verius factus, quod inter ancipitria deterrium est, dum media sequitur, nec ausus satis, nec providit. Eo collimat dictum apud Ecclesiastem cap. XI. Qui observat ventum, non seminat, et qui considerat nubes, nunquam metet. Resolutus ideo sis facere serio, quod aggrederis: non tamen aggredieris, nisi factu licita; ne dum involvere vis, periculo involvaris. Licitia DEUS adest.

76. Apage cum amicis, qui saepè reconciliantur: aut cum domesticis, qui crebro deprecantur.

77. Majora negotia apud populum tibi tractanda assere; minutiora relinques minoribus. Quædam digito opus habent movenda, non brachio.

78. Etiamsi omnia refutanda sint, aliquam tamen approbato: ne omnino contradictorius esse videaris; salvâ tamen virtutis famâ.

79. Primis injuriis nî resistas cum gravitate & virtute; contemneris. Veterem qui fert contumeliam, inquit novam. At quomodo non procaciter, verum prudenter resistendum? tu videoas.

80. Passio plerumque in nobis dominatur, & zelum putamus. Dicendum, seu facendum aliquid nobis usu venit; verbo invehimur velut correcturi, & exacerbamus potius. Saepè detrahimus, saepè dissimamus, saepè irritamus materias & personas, quod age-

re pro modestia, aut intra dissimulationem magis in rem fuerat. Veritas, omnisque modus agendi stylum subtilissimum reterat, non cuneum, qui findit magis, quam penetrat. Cum nimis justi esse affectamus, in injustitiam impingimus. Sævitia quandoque est, dum punitionem putamus; nec est correctio, sed exacerbatio, aut alienatio amiri morosa. Cum rigidè, vel ut ajunt, morosè ad pulvisculum usque repetimus nostrā, non fit, ut aliena cum nostris non involvamus: impertinentium verius raptores, quam exactores justi. Sæpe deinde potentiam credimus, cum inferre injuriam possimus: aut secus accipere credimus, nisi inferamus: nec repulisse est, nisi alter injuriam patiatur. Quæ igitur minore damno, aut scandalo dissimulari possunt, dissimulanda prudenti viro suaserim, qui privatam, aut publicam pacem, quietem mentis, pacatam conscientiam habere cupit. Ed ferè collimat dictum: à justitia recedendum nonnunquam in parvis, qui velit salvam eam in magnis. Non enim sic erit injustitia, sed dissimulatio justa. Idem vult Spiritus Sanctus apud Ecclesiasten, *Noli esse justus multum, neque plus sapias, quam necesse est.*

81. Proxime sequitur virtutis etiam zelū temperandum esse, idq; ejus amore in majus promovendæ: ut dum nimio ipsius, prout debemus, ducimur amore, tam en secundum tem-

tempora, & personas, prout res agenda venit, suavius, cum vitii quadam dissimulazione, sensim animis hominum eam insinuemus: quod non est recedere à virtute, sed eam provehere in majus. Scriptura docet alios hominum acerbius increpitos, alios per similitudines suaviter reductos. Sic CHRI-STUS, dum bonum Patrem familias repræsentat, intemperantem zelum servorum arguit, & dissimulare docet. *Sinite, ne forte colligendo zizania, eradicetis simul cum eis & triticum.* Sic erratum à nostris in Moscobia, intempestivo, ne dicam insolenti religionis zelo. Cùm enim Demetrius Magnus Dux Moschorum, Polonam Virginem in uxorem duxisset, occasione Catholicæ Principis aliqui Polonorū, dum jactanter ad invidiam usque Moschorum schismatis, ritum Catholi-cum promovendum contendunt, Demetrium Ducem, novámque nuptam in exitium præcipitârunt, Poloniámque cruento implicârunt bello. Sed magis profana nobis serviant in exemplum. Severi mores Galbae Cæsaris, licet recti, sed non pro tempore adhibiti, exitio fuerunt, *quibus impar ea etas erat.* Cùm forte circa flagitationem militaris donativi magis animosè, quam in rem opportune diceret: *se militem legere, non emere;* dum rigidius recti, priscique moris assertor affectat fieri, non assecuturus simul rem, sé-que perdidit. Consultius alias fakturus, si

intra dissimulantem importunitati nonnihil  
in tempus concessisset, & delinivisset huma-  
niori verbo flagitantes; sensim alia viâ cum  
tempore in melius reducturus, neque à vir-  
tute imperatoria sic recessisset, sed intra  
prudentiam regendi habuisset totum. Etiam  
in asserenda libertate circa observationem  
antiquarum legum, vel aliquod novum sta-  
biliendum temperato, & recollecto zelo  
opus; secundum res, tempora, aut perso-  
nas agendo: ne dum reducere ad normam  
rigide contendimus, potius malum, r̄esque  
irritemus. Qua in resumma perspicacitate,  
judicio valido, ac super omnia, experien-  
tiâ opus est. Nec possunt in eo valere, nisi  
sedata, defæcataque ingenia, quæ non, quid  
debeat fieri, vel prout aliquando factum est,  
sed quid nunc reèlè posuit, ex æquo pensant,  
& magis è particularibus causis, reique propin-  
quoribus, quam ab universalibus maximis (qua  
in particulari fallere amant, & judicium con-  
sulentis non leviter arguunt: nam universalia  
multas exceptiones habent, & multas circum-  
stantias requiret imitatio, ideoque sàpè nos: fal-  
lit consilia eruendo, & quæ non habendi  
cupidine, aut spe inani, sed magis possibi-  
litate certâ, benéque consultò res metiun-  
tur, dum ratio appetitu superior est. Aliquan-  
do enim suavitas agendi, aliquando rigor,  
aliquando utrumque simul, vel demum ni-  
hil agere, sed dissimulare in tempus, & fer-

re malum prodest: ne dum præcociter unicum vitamus, multò majora, immò plura incurvantur, res irritando; ut hoc casu serviat dictum: *Malum bene positum nè moveas.*

82. Igneæ nonnulli, tum inquietæ mentis, dum sibi non otiali, sed agere complacent, dum quieta non sinunt quieta; aut nisi res turbent, & in aliena, quæ sæpè devorârunt, invehantur, se diem perdidisse, suaque arbitrantur, & pro injuria reputant; famam potentiae ex aliena injuria aucupantes. Ut igne Salamandra, sic nonnulli asperis, & discordia vivunt; quæ alii flagitia, hi remedia vocant; in id nati, ut nec ipsi quiescant, nec alios sinant.

83. Potius non videre te injuriam simula, quam dum vides, vindicare illam opus habeas: ne si agnitam molliter dissimulaveris, pejus contrate in posterum peccetur.

84. Si impetu in aliquid novum fertur populus, cui resistere non possis; satis penes virtutem habeas, si non assentiaris.

85. Quæri exinde potest; quid securius, & in rem magis opportunum: an præcipui unius, vel saltem aliquorum in Republica, an vulgi aucupari favorem? Non disquirendo hinc illinc, constat, qui totos vulgi favoribus se dedere, ab ipsomet vulgo proditos, oppressos. In cujus gratiam cum omnia feceris, semper aliquid majus vulgus requirit; vel nî facias, antea bene fecisse da-

mno est. Et his quod majus est: dum abutitur vulgus bonorum virtute, & operâ, semper eos casibus objectando, facit velut indiscreti equites, qui cùm bono equo læti intemperanter utuntur, & nimio cursu fatigantes, non parcunt labori, nec alium substituunt, eum perdunt, quod in vitis Gracchorum apud Plutarchum observatum habeas. Ratio in promptu est Nam facilis paucorum genium noveris, paraverisque tibi favorem, facile gratiam demerueris, aut iratos placaveris, facilis cum paucis egeris, suadendo, dissuadendo, orando facilis obtinueris, dum se citius pro paucitate expedire possunt decernendo. In multitudine secus; communitas frontem non habet, quæ non tam facile maledictis erubescit, dum dispersum ignominia in tot capita vadit: ad unius verò Principis personam, ejusque posteros, non divisim sed tota infamia directè spectat; eoque magis afficit. In populo deinde diversa sunt subjecta, inclinationes, affectus, studia, quibus impossibile, ex æquo ut satias facias, dum pro diversitate ingeniorum suspicantur vana, aut secus interpretantur, cùm non intelligunt rem, plures verò pro malignitate. Offenditur quidem Princeps veritate; sed magis offenditur, & simul fuit populus. Uni dum places, alterum ferè offendis. Nam in amores, & odium, à quæ facile vulgus fertur: non ut studiosè velit,

sed

sed uno, alterove impellente. Quod verò  
gravius: si in aliquod bonum fertur populus,  
non omnes (unus alium circumspectantes)  
curam adhibent: jam si nocere cupiant, quis  
que pro se manum studiosè adhibet in ultio-  
nem; ad nocendum uniti, ad benefacien-  
dum repidi, & distracti. Ex eadem ratione  
fortè *Machiavellus* ingratiorē fieri *populum*  
censet, unicā *Principis personā*. Dixerim iti-  
dem: præstare favorem aliquorum præcipu-  
orum in Republica (sed quem non per flagi-  
lia, & obliqua demerearis) favoribus vulgi.  
Addo superhaec: si non altioris alicujus boni,  
aut virtutis intuitu, quæ sola sibi ex consci-  
entia recte facti præmium est, sed aucupan-  
dæ vulgi gratiæ, & popularitatis, rectum  
aliquid in publicum facias; falleris. Sæpius  
odium pro gratia redditur. Rem expertam  
ipse habeo, quam loquor. Si profana parvi-  
sunt, en cape in rei documentum altiora,  
quia sacra: Nemini magis, quam operatori  
salutis *Christo*, fraudi fuit populi plausus, &  
gratia, hodie, ut Regi & filio David, in urbis  
ingressu palmis & substratu vestium in pom-  
pam triumphi vias sternentis; mox intra dies  
aliquot, subita mutatione crucifigendum pe-  
tentis. Sic ferè vulgus, cuius boni, aut  
pravi affectus nunquam modicis continentur.

86. Afflictis palam condole; sed tamen  
sine injuria afflgentis.

87. Honores non pete ipse. Oblatos specie recusantis accipe, non multo exultantis animi signo: nec etiam tristi, ut ingratus; sed graviter. Per amicos pete; non ore tuo, pro famâ modestiæ; tum ut videaris, magis te posse officium gerere, quam nimis velle: quod venustatem actioni imponit, & dantem magis promptum reddit. Vis adhuc altius? unicam artem disce: non quomodo ambien- da quæras: sed quomodo sorte contentus non ambias ultra pacatus: plura sic utique, immò omnia, latus contemnere potes, & quasi ex alto animi despicer; non omnia ve- rò destinata ambi adipisci, necde eo non habito tristis sis, & stans loco velut inferiore. Habet velut omnia, qui non ultra cupit, in animi mensura, non fortunæ. Sit satis ha- bendorum modus.

88. Apertis horreis, leva pretia frugum.

89. Nobiliores exules, tum à fortuna de- fertos excipe domo, & necessariis procura. Alii dividunt propria, & ditiores funt: alii rapiunt non sua, & semper in egestate sunt. Inquit sapiens.

90. Pupillis honestarum familiarum sum- ptus educationis provide.

91. Si à populo voce opprimaris; mode- stiam objice cum gravitate & reprehensi- ne generosa, quam ut frustra acerbius con- tendas, unus à multis facile contemnendus: nec aliâ tutiùs viâ furorem populi evades.

92. Miseris sis aditu facilis, & intentus querelis: licet subrusticè & tædiosè conquerantur; nam loquax ut plurimum dolor est. Da bona verba, gravia tamen potius, quam mollia. Condole saltem, n̄ juuisse suffici. Nemo utique verbo pauper est? quod & quæ afflictis gratum, ac si juventur: aut lec-  
cus novam injuriam sibi inferri putant, si tran-  
sitoriè audiantur. Princeps igitur, aut qui-  
cunque sunt viri honesti, in omni vitæ suæ  
actione teneant rectè agendi præceptum:  
nihil sibi esse salubrius, & ad amorem populi  
parandum accommodatius, quam humanioribus  
responsis etiam infirmæ sortis homines ab se di-  
mississe; salvâ tamen gravitate, ne obviâ faci-  
litate vilescat.

93. Inter militares de armis loquere; inter  
doctos de virtute, doctrina, libro, honestate:  
personis rem & sermones accommodatu-  
rus. Hilares liberalius, suaviterque excipi-  
as: Severos, aut Morosos contractius, &  
brevibus tractabis; cum facile multi sermo-  
nis nauseam habeant. Ambitiosis honorem  
deferes reverentiùs agendo perinde ac si  
eos multi facias. Cum modestis & sinceris sim-  
plicitatem dicti querres; nam facile dolum su-  
spicantur, si verborum involucris, & amba-  
gibus affectatis utaris. Malignos, Astutos,  
Levésque, quoad potes, vitabis; sed procul  
à nota vitantis, ne offendas. Uni-  
versim verò, secretorum tuorum (loquendo)

catus eris. Insuper inter *Aequales* dignitatem ex pari tueare, ne posthabearis: non tam semper ad numerum, & stoica gravitate; ne arrogantiæ nomen parias. Inter *Inferiores* faciliorem tui copiam præstabis; ut ameris: non nimius tamen aut effusus; ne societatem inducas, sed propior gravitati. Erga *superiores* non nihil submissius te geres: non tamen immemor tui; verum ultra *venustam generositatem*: nec ut abjectus, aut adulator, tum deformi obsequio laborans.

94. *Meticulosorum ingenia* ingestō terrore; nec tamen sine condimento gratiæ; ad officiū commode rediges: *Generosos* secūs exacerbat terror, ut potius reddas obstinatores; aut alienes verius, dum eos sic parare cupivisti: verum eos gratiā, comitate, liberaliore convictu, idque ad obsoniū raritatem, non semper facili, aut effuso: magis que adhuc gravitate agendi generosa, quæ reverentiam personatum ingerit, tibi oblitiosos pares. Verbo dicam: injuriæ generosum irritant; mollem, tum pusillanimem frangunt. Cum mediis aut in differentibus, præsertim vero cum astutis, aut qui libenter insolescunt, adhibebis simul utrumque. Terrent nonnulli, nī pavent. *Morosos* denique, & *Intrusores* lautiore mensa, & aliquid pro tempore dando tibi mercaberis. Rara tamen ingenia, quæ non hoc ultimo telo expugnare fas sit. Prout igitur hunc aut illum, ad tuum

tuum beneplacitum habere vis: introspicere naturam prius; hominum enim animi & quæ varij sunt; ac vultus; ut agas; prout ad metum; vel generositatem inclinat; vel participat simul de utroque; ut quemque suo affectu aggrediaris expugnandum; prout in aliquo hic; aut ille magis prædominatur; metusne; cupidus gloriæ; amor privati commodi; publicum bonum; aut tenerior conscientia: objectando dextrè ad persuadendum peticula; ignominiam; damna; jacturam publici; ingerendo scrupulos; & offendam DEI; & quævis in contrarium: vel si faciant; omnia eventura in parte meliore. Jam si omnino refractarii sint recta sequendo; saltem in moliora quoquomodo deflectes; & concedes partem; velut Seneca & Burrho visum; ne utrumque NERO pervinceret; alterum concedere: vel certe eveniet; præterim si cum generosissimis res est; ut negligant; si aliquid modo in speciem generositatis sibi concedatur; nec planè impugnari se videant; alias nihil pervincere; servile putantes. Sæpè repeto: hominum animi sicut generosi equi; molli freno facilius reguntur.

95 Qui amat accipere; negat nibil. Non in privatis modis; sed puta in publicis facile habentur omnia; præsertim apud eos; quibus accipere dulce est; dum sunt semper veniales; & alienæ ministri potestia; immo mensarum; placitorumque auctoritatis. Non ex

vano inexpugnabilem urbem, expugnandam facile credidit, in quam asellum onustum auro introitum didicit. Et Jugurtha Romanum statum inclinari advertit, debitèque illusit: *O venalem Romam!* & *maturè perituram invénit*, cùm reperit plerisque ex curulibns, qui accipere oblata non promptè recusarent; immò promptissimè caperent. Vendi sibi negotium amavit, cùm venditores odisset; proditionem, non proditores amaturus. Viri idē quicunque recti etiam licite oblata, intra verecundiam, propiusque nolentes acceptare debent, aut prorsus non acceptare, virtutis præmium in virtute quæ situri. Hoc enim genus vitii, mentitæ suavitatis condimento facilè insinuat se hominum sensibus, & leviter modò tangentibus allinitur sine sensu. Facilè qui accipit, facilè dat sibi suaderi. *Pessimum veri affectū venenum, sed cuique utilitas.* Meritò pagina sacra rectos in populo viros, judices, ducésque dum laudat; aut secùs depravatis dum succenset, his appetitiam munerum exprobrat; in illis contemptum oblatorum velut solam rectæ popularis virtutis normam commendat. *Dixit Samuel ad universum Israël, i. Regum. cap. XII. Loquimini de me coram Domino, utrum de manu cujusquam munus accepi? contemnani illud, restituámque vobis.* Et dixerunt: non tulisti de manu nostra quidquam. Et cap. VIII. *Non ambulaverunt filii Samuel in viis ejus, sed declivis*

declinaverunt post avaritiam: acceperunt munera, & perverterunt iudicium. Mirum dictu! quod pervertat veritatem, bonum publicum, & pervertat iudicium, qui properè accipit munera. Talésque hodie videas, in quorum manibus iniquitates sunt: dexteræ eorum repleta est muneribus Psalmo XXV. Potius igitur: non accipies munera, quæ etiam excæcant prudentes, & subvertunt verba justorum. Exod. XXIII.

96. Nullius artem reprehende; quod vel maximè offendit.

97. Multa in absentem statuuntar, quæ in præsentia non fierent. Cura, si tutè potes, ut dicendis dete rebus, aut statuendis adsis præsens cum authoritate tua, & amicorum; ne per absentiam conscientiæ facti arguaris, eaque importuna meticulositate majorem ingeras audaciam æmulis validius contrate insurgendi, qui nisi tua imbecillitate fortes.

98. Magnorum virorum dissidia concilia, & mediatorem te interpone, etiamsi non vocatus, si authoritate vales; sed procul ab importunitate, & sine alterius partis offensa. Factalia pro publico bono, & amore proximi.

99. Dum punis, privatim puni; dum parcis, publicè parce

100. Habebis aliquem bonæ existimatio-  
nis virum, qui pro te agat, & loquatur in pu-  
blico, quam tu ipse pro te. Major alienis di-

Eis in aliena causa fides est, laudando vera, seu excusando liberiū falsò imposta, tum opinativa; & minor tibi dicenti invidia. Quæ pro sua causa dicuntur, magis ex necessitate propria, & pro animi passione, quam ex vero dici communiter creduntur.

101. Quæ tibi adversa acciderint, supprime, aut tegelatis; prospera latius divulga.

102. Sermones vulgi velut nesciens ignoransque seras; prohibiti enim plures erunt, quasi veri, si prohibeantur, & nocituri.

103. Securitatem consule prius, antequam vindicta; quosdam enim, haud tutò aggrediaris, ut cavere ab iis magis opportunum sit, quam ut aliquid acerbius in eos statuatur.

104. Justitiam ama, & verax sis; quod magis fidem rebus tuis pares.

105. Nonnulli dexteritati, tum prudentiæ, virtutique suæ in tantum fidunt, ut sponte lese conjiciant in occasiones periculosa; negotia intricata, difficilesque constutus supra vires aggrediantur; quasi in arbitrio sit, ex illis eluctari, tamque deserere promptum, quam irritare incepta, tum velut supra humanos casus constitutis, tum non errandi potestatem sub Imperio habentibus. Quod secus fit, dum tenemur potius à negotiis, quam tenemus illa. Non admittere vero occasionem, primus gradus est non errandi, dein posterior, non errare. Nè DEUS quidem, dum probos vult nos fieri, peti-

voluit, quām ne inducamur in tentationem: quasi non peccaturi, si tentatio, id est, mali occasio, absit. Non igitur, quantum in nobis est, dubiis rebus nos volenter committamus; ne apprehendamus plus animo, vel manu, quām cui sufficere possumus retinendo, vel contra obluctantia constanter perseverando. Nec sibi blandiatur mens, ut præsumptuosa opinione nostri minus opinemur de virtute contrariæ partis, dum volumus, ut evitemus occasionses eorum, immò ipsa mala. Facilius aliqua non recipiuntur, quam exent; immò excluduntur venientia, quām expelluntur, dum fuerint admissa. Qui admittit occasionem, admittit errorem.

106. Iraisci, mala verba dare, ferire, nemini fidere, res quietas non sinere, pro libitu agere, aut secùs in speciem authoritatis desidere, nomine magnifico segne otium vela-re, in alios agendum opus conjicere; superbire, tum insolescere potestatem regendi nonnulli falsò putant, cùm alias suavitas agendi, præviâ prudentiâ & cautione, rebus perficiendis totum possit. Maxima fluminâ minimo sono labuntur. Non tamen obest rebus, subirasci modicè intra gravitatem agendi; immò valde prodest, ut vivaciùs in executionem urgeantur. Iram prudentem esse cōtem fortitudinis, non ex vano dictum. In consilium verò rectè incipiendorum, sola

prudentia cum deliberatione non affectata, jus semper habet. *Potestatem cautis, quam acrioribus consiliis tutiū haberi*, Tacitus ait.

107. Vitia hominum privatim, publicē que nihil magis intendit, quām cū malē fecisse, joci vicem habet, nec suspenso supercilio, sed excipitur cachinno. Exinde licentiosi, dum nontiment D̄LUM, quod reliquum erat, excussā hominum reverentiā, & pudore, malefacere sibi complacent; vel dum in rectiores incurront, qui rigidiore fronte, tum verbo factum excipient, indignantur. Moneri nolunt, & paucorum rigorem & censuram injuriæ loco habent, dum plures jocosō intuitu talia transeunt, velut approbantes. Moderni seculi, immō novæ Politiae calabes est. Rigidæ prisorum Germanorum virtutis, non immerito causam adnexuit Tacitus de morib. Germ. *Nemo illie vitia ridet, nec corrumpere, aut corrumpti seculum vocatur*.

108. Non levis est prudentiamoralis, tum politica: scire in suis domi, & civibus publicē quædam minora dissimulare, nec vetare; ne obtineas, ut per vincendo, quæ agnita vitari, nec coērceri possint, in pejora mala incurrature ex jussorum, & impunitatis contemptu, nisi aliquid fragilitati concedatur: velut profundissimè sparsim. *Tacitus*, tum alii. Nescio, anno non tutiū sit, quædam adulta & prævalida vitia admittere, quām illud affer qui,

qui, ut palam fiant, quibus prohibendo par-  
res jam non simus; dum verò prohibita se-  
mel impunè transcederis, neque metus  
ultra, neque pudor est. Quædam tutius  
non prohibere, quam prohibita leviter præ-  
terire; & solum non accusare, quam accu-  
satum non punire; nam evulgatus pudor non  
satiatem, ut multi rentur, sed incitamen-  
tum parit. *Coercitio plus danni in Rempubli-  
cam quandoque affert. Quam indecorum verò  
attrahere, quod non obtineatur; si veis? Qnod  
nondum vetitum est, timeas, ne verere. Tol-  
erabilia sunt modica vitia, quam prohibitio,  
cui nemo paret. Mithridates continuo usu  
veneni, naturæ suæ reddidit familiare toxi-  
cum, ut contra noxia induraretur: sic aliquæ  
malæ consuetudines, tum abusus consuetu-  
dine roborati non tam obsunt Reipublicæ,  
nam sæpè alterius virtutis interventu, velut  
ad æquilibrium pensantur, & cum tempore  
conveniunt, quam præceps correctio: pro-  
ut violenta medicina plus nocet agotis, &  
vim naturæ infert, quam ipse moribus, qui  
sensim utique conficit. Inter hyemem, &  
æstatem ver, aut autumnus inest; inter diem  
& noctem diluculum, naturâ ipsâ haud vio-  
lenter, sed quasi per gradus in mutationem  
se transferente. Etiam virtuti horror impo-  
nitur, si severius se intrudat, non suaviter  
insinuet. Cum tempore curandum, quod  
cum tempore invaluit. Repentinæ novitates*

Junt tanquam advenæ, & peregrini, quos admittatione plus, minus benevolentia prosequimur. Exinde novorum Politicorum axioma vix improbabaverim: *In seculis aliquanto corruptioribus, homines industrios, & sat agentes usi magis esse, quam pro rigore virtutis nimium zelosos.*

109. Ne decipiari, maturè cogita te deceptum iri. Sæpe dissidentia mater securitatis est; aut secùs, si in vanis nimium scrupulosus sis, sæpe causa inanis metus; nocet rei, nocet parandis amicis. Dubitaverim præterea, an modica caliditas non sit in parte Politicæ prudentiæ, seu cautionis, pleno hoc obliquorum ingeniorum seculo; non ut circumvenias, sed ne circumveniaris, dum quemque pro suo ingenio scis metiri. Aliqui enim ita sunt incautè sinceri, si præsertim in blandiloquos, & astutos incurvant amicos, ut nihil sinistra intentione agi opinentur.

110. Sis Politicus, non tamen, ut te Catholicum esse obliviscaris.

111. In privatis publicisque negotiis cum paucis, vel cum populo, non semper idem tenor, modusque actionis servandus, dum rem habere probè cupis; verùm secundum tempora, personas, immò cum iisdem personis, sed aliis occasionibus, rerumque circumstantiis, modum agendi variari necesse. Aliquando severitas juvat; aliquando eadem obest, sed prodest clementia, & suavitas.

Ali-

Aliquando munificè; aliquando parciùs aliquos habere oportet, & dandi facilitas obest. Aliquando tacere, & dissimulare; non nunquam exprobrare palam, aut tacitò conductit. Aliquando properare, aut cuncta potentibus statim annuere; aliquando differre in tempus, negare, difficilem se præbere, & grave supercilium monstrare prodest: mollius, aut austrius, cum autoritate matra, vel submissius, familiariterque pro confidentia agendo. Nec CHRISTUS in sua œconomia semper eundem agendi modum servat; sed pro tempore variat. Peccatricem mulierem ad pedes suos provolutam promptè admittit, peramanter aspicit, bonum opus operantem laudat; eandem postea, licet pænitentem, & in melius correctam à sui amplexu arcet, severiusque habet: *Mulier, noli me tangere, cum utrumque intra per aqualem bonitatem ageret, illud intra sumمام clementiam, hoc cum Maestate, non extra tamen gratiam, modo vario & causa: verum intra eundem amorem; dum simul arcet, simul solatur eandem, simûlque honesto præficit officio.* Quid ploras? quod queris? Vade ad fratres meos, dicit eis Eccl. Joan. 20. Dixerim, qui se aliorum exemplis, suæque probatæ semel praxi totos alligant; nisi aliquid in præsens mutent agendo, addant, minuantve, graviter falluntur. Potuit iisdem de causis, cum iisdem personis severior modus

dus prodesse. cum quibus alio loco, & occasione, nisi suavius agendo remittas de rigore, rem turbes; nec quod voluisti, asserquare. Ut eadem vestis, non cuilibet corpori & etati: sic praxis & exempla, tum imitatio, rebus, & personis non quadrat serviunt, nisi pro tempore immutentur

112. Animi constantia & ingenuitas juvat in adversis, superat invidiam, arcet mala; mollities secus accersit periculum. Cui vitam animi fortitudo, aut constantia non dabit, metus, aut fuga rarius parabunt. Sic apud Tacitum seculati de amicitia Sejani, alii permolitiem excusando, eò majorem suspicionem sui cum movissent, succumberentque in causa, *Marcus Terentius* ingenuè quod verum erat, solus satendo, constanter superavit invidiam, & evasit objectorum pñnam: prout ejus responsoriam, non sine gustu, & paranda doctrinalegas apud Tacitum VI. Annal. Qui silentio tristi objecta recipit, non modestia est, sed tacita confessio; aut judicem tacite arguit sævitiae, quasi in majus defensione innocentiae irritetur: qui autem negat, quod verè objectum, seipsum accusat: non quod noluerit, aut de malefacto doleat, sed quod latuisse tantum expetiverit, præsidium malitiae ab occultis habiturus; immēdmetum prodit ex facti conscientia & atrocitate, quod fateri veretur. Neque extinguit materiam objectorum, sed irritat accusato-

satorum, æmulatorumque proterviam; tum ad inquirendum & comprobandum ingenia, ne frustra objecisse videantur. Demum acuit audaciam, ut contra timentem gravius insurgant, inclinatum concitatius impulsuri in ruinam. Qui secus ingenuè facetur, proprius pænitentem est, dolet de objecto, quod sponte agnoscit, & corrigendum videt. De in fortis utique animi signum est, intuitu virtutis sive vero, si e specioso, tum pro ingenuitate, aliquid dicto, factoque tentasse, non tamen malitiosè, vel ex dolo, qui semper suspectior est, quam animi apertus candor. Non superba tamen debet esse facti confessio, nec velut exprobratio, quæ magis exacerbat; dum obstinationis in animo signum est, accusatorem & objecta velut contemnens. Sit potius intra vultus verecundiam amænitatem, nec extra ingenuam modestiam, quæ innocentiae suæ, dum non turbatur, fidem faciat, ac de clementia, prudentiaque discernentis multum sibi persuadeat; aut, si omnino deprecandum sit, non faciat tamen aliquis, ut nimium abjectus, nec veste sordidatus, aut squalidus, quod indignationem sèpè magis, quam miseracionem movet, verum faciendum ex memoria ingenuitatis & honesti. Sic, ut per varia casuum abeam, apud Thuanum Joannes Fridericus Saxonie Dux victus prælio à Carolo V. Cæsare, & captivus, cum pro notarebellio.

lionis decretum mortis, jussu Cæsaris adserri sibi videret, lusui latrunculorum tunc forte intentus, & velut in aliena causa minimè turbatus, Ernestum Ducem Brunsvicensem secum colludentem, simûlque sorti compatiētatem, constanter monuit, ut eo non obstante lusum continuaret, suam innocentiam; Cæsarisque clementiam, ea in partē sat pro se labōraturam subjungens. Quā infacti animi constantiā Cæsarem flexit, & periculum vitæ, licet non fortunæ, superavit. Sic apud Franciscum Guiccardinum (Histor. I.) Cum Rex Galliæ Carolus VIII. moto bello pro recuperanda Neapoli contra Arragonios; in Italiam cum exercitu se inunderet, ac forte pertransendum à Florentinis pro societate armorum, & amicitiā in urbem receptus; contemptius eosdem haberet, conditiones aliquas graviores extorsurus, illi verò, potentia Regis consternati circa consensum tergiversarentur; solus Petrus Caponius, vir altioris animi agendi constantiā rem, animosque civium restituit, & Carolum plena generositatis voce, tum facto tertuit. Verba sunt Guiccardini (Hist. I.) Cum ejus Collegæ eoram Rege stetissent consternati; atque à Regio scriba compositionis capita iniquissima scripta recitarentur, Caponius rei indignitate vehementer permotus, libellos è manibus scribæ abrepitos, Rege spectante discerpit, & se abiturū prori piens voce concitata subjinxit: Quandoquidem tam

tam iniqua postulantur, vestras vos inflabitis  
tubas, nos campanas pulsabimus nostras; haud  
obscure innuens, eas controversias mota plebe,  
armis esse decernendas. Constat tantā fiducia  
verborum Caponii terrorē Gallis injectum, se-  
cum reputantibus, tantam in eo homine con-  
stantiam, non sine fiducia alicuius paratæ po-  
tentiae, & subsidiorum esse. Quamobrem eo  
revocato Rex in æquiora, nec absonta Floren-  
tinorum libertati deflexit. Sed cur vado per  
externa, cūm adhuc domi exempla propria,  
idque in meamet causa? Cūm per iniquitatem  
delatorum, recta plerūmque civium vota in  
sequiorem sensum trahentium, liberius dicto-  
rum, ut fieri assolet circa libertatem, coram  
Rege accusarer, ipséque ad interiorem ca-  
meram me vocato pro maiestate exprobiaret:  
id, quod certè verum erat, angustiæ mibi un-  
dique. Hinc mendacium servile peccatum,  
si vera negarem, & offensa DEI; illinc aper-  
tior offensa Principis, si faterer. Recolle-  
cta repente mente, in partem utique poste-  
riorem peccare malui: nec tamen apud pium  
Principem peccavi, fronte ad amænitatem,  
Pro fiducia constantiae, non extra tamen mo-  
destiam composita, subjungens: Si quæ à me  
dicta, non profectum à malitia, aut inquieto  
ingenio, sed factum pro fiducia legis, tunc æqui-  
tatis, cuius assertorem pro Catolica pietate,  
ipsum Principem esse scirem; nec mibi alias ju-  
rato Senatori, nisi cum lege loquendum conve-  
niret:

niret. Cùm igitur responsum acceptandum aut apertalex, tum & quitas impugnanda es-  
set, quod nequaquam bonus Rex apud ani-  
mum pervincere potuit nam etiam juxta po-  
puli libertatem convenientissimum erat ob-  
jecto) intra ingenuitatem responsi conque-  
vit. Unde, uici per cætera gestorum alios;  
sice & casu me quoque publicè, ac privatim  
& quioris animi bonus Rex habuit præconem.  
Cessare debui; verum non extra materiam;  
unicum adhuc constantis tum infracti animi  
exemplum apponere, Ferdinandi Arrogoni  
**Neapolitani Regis** Cùm enim supra memo-  
rato Carolo VIII. Gallia Rege, victricibus  
armis Neapolitanam oram pervadente, ipsa-  
que Neapoli urbe, & Prætorianis cohortibus  
in victoris nomen desciscientibus, Ferdinan-  
dus Regnum deserere cogeretur: nihil spei  
relictum, quam ut cum paucis intimorum  
relicta Neapoli in Ænariæ Insulæ arcem, /scle-  
am nomine, secederet; verum eadem ini-  
fensa fortuna secuta in Insulam Ferdinandum  
**Arcis** enim /scleæ præfectus eodem, quo reli-  
qui Neapolitanorum, morbo perfidiæ agita-  
tus, in victorem Gallum propensior, de-  
scendenti fortè ex trireme portas areis oc-  
clusit. Fertur inperato perfidiæ spectaculo  
consternatum prius, dein recollecta mente  
& spiritu ( à desperatis, & animi constantia  
consilio captato) paucis comitantibus, proxi-  
mius portam arcis animosè successisse Ferdi-

mandum, ut partim mandatis, partim expro-  
 bratione collatorum beneficiorum, & exin-  
 de turpis perfidie, partim vultus majestate  
 Praefectum flectere posset. Non plus tamen  
 apud perfidum ea valueré, quām ut datā so-  
 lū conditione, arce recepturum se Ferdin-  
 andum promitteret, si nemine comitante  
 solus portam ingrederetur. Accepit ille  
 promptè conditionem, non ut dissimulans,  
 & exinde tacite offendæ suspectior; sed ut  
 majestatis concius Moxque adaperta por-  
 ta est. Tum erò in ipso portæ ingressu, non  
 se Regem oblitus, eā confidentiā, eoque  
 vultu ac vigore animi, disticto gladio in  
 Praefectum & custodem portæ imperium fecit,  
 ut satellites, qui armati in statione aderant,  
 comminantis & imperantis simul Regis a pe-  
 stu perterriti, exemplò portam aperuerint,  
 reliquum comitatum recepturi. Quo calu-  
 manifestè apparuit, animi constantiæ, vel  
 ut Jovius ait lib. II. Histor. Regum oculis, in  
 omni fortuna, quandam supra humanam in-  
 esse vim; proditoribus autem degeneres es-  
 se animos; præsertim, cùm in ipsa per-  
 fidia deprehenduntur.





**ANDREÆ MAXIMILIANI  
FREDRO,  
*Castellani Leopoliensis,*  
MONITA POLITICO  
MORALIA.  
PARS TERTIA.**



Ne fæpe incertum jacteris in equore: prorsus  
Sint monita hæc remus, sint Cynosura tue.

1.

**C**onscios secretorum etiam delinquentes non habebis acerbius; ne irati prodant secreta, & res miscent.

ant.

2. Licet

2. Licet verum sit, nunquam conqueraris, quod male de te loquantur homines, aut enim, cum senserint te offendit, pejus loquentur in acerbiorem vindictam, aut denu-daberis coram audientibus de advertariis, cum non levè suspicione famæ. Potius bona indulgentia fortunæ dic: tibi satis amicorum esse, bona de te sentire omnes. Immò in præsentia tibi detrahentium, sinceratatem & candorem lauda, velut ignarus traductio-nis; ut consequatis, quod illi saceri à te vocati esse justè velint, ne bonam de se opi-nionem amittant.

3. Cuique, sed præsertim in officio de-genti, minima sui in obedientia severius ob-servanda, ut minus serio imperata sint in executione: quod majoribus iussis non igno-viter attendatur.

4. Si quid in aliqua gravi materia difficile propositum, quod non statim intelligas, sc i-Pto consignari jube, aut prudentem mini-strum delige, qui rem inquirat tibi sufficien-ter relaturus.

5. Nimiam magnorum comitatem, suspe-ctam habe. Nunquam te illi credes totum. Non enim mutuo bono faciunt, verum suo; quatenus operâ tuâ velut instrumento ut n-tur: deposituri in partem, dum cogitatum perfecerint.

6. Nonnunquam prudenter de gravitate, & de jure demittere necessum putabis, qua-

tenus assequaris, quod voluisti: alloquendo prior, salutando, visitando, adeundo minores, familiariūs in parte colloquendo, convicūm eorum non aspernendo, non nulla dissimulando. Sed hæc modicè adhibebis; velut obsonia rarioris favoris, non ut lauitia profusionis.

7. Privatum otium, & exercititia rui cubilci sint gravia.

8. Spectacula generosè edita, ut sunt ferarum nobilium certamina, hastiludia, in opinionem serviunt authoris. Velut in *Larentio Medico* observatum reliquit *Paulus Jovius*, qui in populo, tum apud exterorū aestimationem sibi paravit, magnanimitatē expensarum, in honestos circum se clientes, in eleemosynas, & operatorum prompta subsidia, in equestres ludos edendos, in apparatus conviviorum, in colendos literatum Professores, in conquirenda, quærara alicubi videbantur: quibus ille verba sunt Jovii ac præsertim munificentiae austiciis, longius famam suam extendit, quam quisquam aliis æqualis, vel militarium armorum fulgore proficeret. Et vitam Magni Consalvi apud eundem legas; quomodo in aula primum creverit, dein apud milites expensarum apparatu valuerit, omnium animos in se rapiendo splendore pretiosæ togæ, armorum, & convictūs.

9. Aliquid in tuis, aut te ipso mutaturus, non uno iectu præcide; sed lentâ operâ, & quasi aliud agendo. Novitas enim, & insperata sedulitas parit suspicionem.

10. Patrii, & antiqui moris, ac eorum, quæ populo placent, doce te esse amatorrem, & imitatorem.

11. Non properè damna, sed lentè, & sèpiùs dolens. Propius libenter damnat, qui citè. Immò pènam infliges malis, non ex crudelitate & savitia puniendi, sed ex æquitate discreta, corrigendo, non tollendo. Insigne senatus consultum in gratiam damnatorum factum Romæ: Ne decretæ Pátrum ante diei decimum in ærarium deferren-  
tur, quo Senatus libertas ad pènitendum esset, & rigor interiectu temporis mitigaretur, idque  
vitæ / patrum damnatis ut prorogaretur. ( Tacitus 3. Annal. ) Hoc olim sanctè in ethnica Ro-  
ma. Catholica nunc pietas, quid nî plus  
requirat? Ante dies quindecim in delinquen-  
tes ne decernatur, non inutilis mora est:  
decretaque, ut procrastinentur. Justa pri-  
mo affectu, immò ab ratione, sèpè nobis  
videtur, quæ posterior dies arguat; siite-  
ru n decimoque inquiras, hæc, illave, fal-  
sainposita, opinativa, repetita in tritina  
vocando. Præstat nocentium pènam differ-  
re, quām absit præcipitanter innocentem  
per errorem damnare. In quem errorem  
ipse vix non impegi decernendo.

12. Nunquam servilis sententiae authoris, & sautor.

13. Qui urgere negligit, habere non vult. Non incipiendo; sed perseverando res habentur. Ed prope collimat tacitus: *Muli ausi aliquam partem fortunam affore.*

14. Crâ experientiâ compertum habeo eos, qui prudentiâ dictorum, & consilio volunt; raro utiles factis, & exsequendo; dum satis habent ad rem bene gerendam apte consultuisse. Multarum rerum consideratione & respectibus laborant. Neque periculum sumunt agendi, aut, dum aliquid obstat factum agere designantur, quasi impugnare veritatem irati, cuiusdam, si dicere licet, omnipotentiæ modo, totum habere volentes, non urgendo, non instando. Aut denique si occulto naturæ arcano, cum aliis recte consulendi, aliis recte agendi, urgendi que modum dedit; ne fors aliquis supra humana attollatur, sed memor sit, humana necessariâ aliquid ex imperfecto habere. Hos quidem censeo consulendo utiles, verum ad excequendum cordatores alios, qui non verbis dictisque, sed magis loquuntur factis & rebus, adhibere oportet: seu, ut vulgus ait, subcholericos, activos, non respectivos, quibus si aliquid obsteret, non terreri, sed impedita amovere, iterumque conari studeant; non cedere ipsi rebus, sed concedi sibi debent rati. Et Apostolus eandem urgendi necessariâ

cessitatem suggerit. Nec tentare modò leviter, quod ex necessitate recti, habendum intendimus, sed instando animosè (non tamen extra prudentiam) perseverare docet. *Insta opportunitè, argue, increpa, obsecra, in omni patientia & DOCTRINA.* Audacia, & activitas, tum constantia, sunt rectæ executioni ferè parallelæ. Multi virtutem incipiendi, rari admodum finiendi, aut perficiendi habent.

15. Nemo fiderenter rem gerere potest, qui non se majorem credit eo, aut saltem parem, cum quo res intercedit. Qui se inferiorem habet: timide aggreditur. Ideoque parùm ad rem proficit, in tractatu privato, seu in Publico, circa materias præsertim bellicas, togatas, ac vel maximè in materia legationum, & commissionum cum exteris.

16. Publicam semper utilitatem, & religionem obtende. Ne publico usui, utilitatem privatam anteponere videâre.

17. Etiam non vestitos, comiter alloquaris, & responde; procultamen à levitate, & projecta facilitate.

18. Non velis videri jocularis, & dicax.

19. Imbecilliores ad tuam opem (sed ex iusto) con fugientes, non desertos patiaris. Fidam enim operam præstant. Vide tamen, ne eo sub prætextu, flagitio pollutis, liberum apud te asylum permittas; & ex eo falsam protegendi potentiam præsumas, quæ

tunc solum vera & gloria est, dum virtutis,  
non vitio patrocinatur.

20. Pro Divinis maxime, & bono zelo ceterabas.

21. Mutatus sententiam, dic utilitati  
publicae te studere, non vulgi opinioni.

22. Non sapias ex ore tuo tantum, sed bo-  
ni consili, & dictorum, quod etiam ab alio  
provenit, sis amicus & fautor: quod est ge-  
nerosi animi, & virtuosæ mentis signum.

23. Qui super alienis prolati quæstiuncu-  
lis ludunt, verborum deprehensoris curiosi,  
nec aquiescunt recte dictis, semper aliquid  
requirendo; aut rem non intelligunt, aut  
sunt leviculi, aut maligni, aut contentiose  
& garruli, aut genio prælumptuosi, aut su-  
præ vulgi ingenium judicio valent, aut do-  
mum sunt fugillatores stupidi. Si igitur qui-  
etus animo esse cupis: fuge talium colloqui,  
& convictum. Dumenim non finiunt, sed  
irritant materias, exacerbant personas.

24. In adversis & desperatis, subsidium  
ab audacia pete.

25. Consanguinitas magnorum cedit in-  
estimationem, ideo perte, aut tuos, eam  
quæres.

26. Non rimeris secreta populi, item  
amicorum. Dandum aliquid libertati sen-  
tiendi, & agendi.

27. Facta arguantur; dicta impunè sunt. Nevè convivalium fabularum dieteria in crimine vocentur.

28. Parvi errores non dissimulandi: nam magnarum causa sunt. *A venialibus facile itur ad mortalia.*

29. Uno tempore multa ne suscipias agenda. Non enim perficies, & argueris incepti.

30. Non cogita, quomodo effugias mala, sed quomodo es fortis, & immotus contrà. Crescunt, si fugias; minuentur, dum subsistes. Possibilius verò ea ferre, & contemnere, quam vitare.

31. Defectus aut vitia corporis, cum fortunæ, immò jacturas omnes prudenter tege. Nam lata pariunt reputationem, tristia contemptum

32. Monstra aliquo per virtutem facto tuam potentiam, immò & prudentiam, ut innotescas; vel si potentiam monstrare non potes, saltem impotentiam, defectusque occultare studebis, occasiones, quæ detegant, vitaturus; ut bonam opinionem retineas, veteri monito: *Quod non possumus, nolle videamur.*

33. Probatoria eorum sunt ingenia circa res privatim publicaque gerendas, qui cùm omnia præstare non possint, media bona exsequuntur. Illi verò, licet alias optimi cives, minimè probantur, quibus si non successerint primi; media non arripiendo per-

immoderationem animi de dignantur, rebus, sibi que ipsis irati, Factu potius, non quod optimum velis; sed quod melius in detectu mediorum possis, accommodando te ad tempus; mores, occasiones prout se offerant, arripe, nam optimas occasions exspectando, non assequeris; possibles verò omittes nihil præstaturus, & pro otioso habendus. Musicorum artem imitari præstat. Cum sublimes notas numerosè cantu assequi non possunt, octavâ aut quintâ utique voce, vel tertiatâ imitantur tonum, modò ne à recto carentium choro & modulo deflectant, ne vè concentum turbent. Judicosi ergo viri est quæque oblata casu, flectere ad consilium, Verùm in consiliis. capiendis. illud plerumque nos decepit, quia non quid possit, sed quid fieri debeat, aut necesse habemus, facile eventurum credimus: & respicimus contulendo, quod contrà est; nam potius quid possit fieri, non quid debeat, prius cogitandum.

34. Alienâ invidiâ dissimare ipsi student, qui detraheunt dicta recensent. Apagè cum talibus præcautoribus amicis.

35. Quod tibi servitin æstimationem, potius per te fiat, quam ut alteri faciendum permittas in Republica: uti facere pacem, nationes componere, magnas legationes obire, gravia responsa dare, & alia.

36. Imperaturus aliquid novum aut difficile factu, ab iis exequendum incipe, qui bus

bus majorem tui observantiam inesse credis, atque metum; ne si ab audaculis primò & contumacioribus exequendum velis, atque illi primis imperatis per temeritatem resistant, etiam modestioribus pertinaciam reluctandi ingerant. Jam secus, quod à modestioribus incepum, ad se perveniente ordine (ut jam non novum) exequentur, etiam illis, qui fecerunt, in executionem instantibus; ne hi posteriores obsequio videantur.

37. *Nulli te facias nimis sodalem. Gaudib[us] minūs, sed minūs dolebis.* Immò turbam hominum (quoad salvâ gratiâ potes) vitabis; quia præsens, aut necessè imiteris alios, aut oderis: utrumque autem devitandum est, ne vel similis malis fias, quia multi sunt; ne ve[n]e inimicus multis, quia tui dissimiles sunt. Verum hoc supra humana ascendentis mentis, & est animi DEO se præparantis.

38. Cùm omnia possimus, sola credamus licere nobis laudanda.

39. Diu secretus delibera; ne pudori sit, frustrâ tentâsse. Citò verò deliberatum fac; ne præveniaris.

40. Licet aliqui recti sint cives, & pro Republica zelosi; plerumque pro impatienteri gore, & immoderatione animi, curando aut exprobrando plus nocent Republicæ, quam ut proficiant. Potius, opinione saltem, videantur sibi boni cives, quam ut via exprobrando conscient errorum reddas, ut

ut scienter peccent, cum assuefacti retrahi non possint; vel dum periculorum remedium ipsa pericula rentur; & periculosius putant in incepto, quam in peracto deprehendi. Reoste quidam in Catone, optimo alias civi moderationem desideravit; & Cicero de corde; Cato animo optimo utens, ac summa fide, nocet tamen interdum Republicæ; dicit enim, tanquam in Platonis Politia, non tanquam in Romuli curia sententiam. Si igitur in ea Republica vivatur, quæ depravata sit; inutiliter ad quæque attendere serupulosus velis nihil effecturus, quam ut inutili angore conficiaris, nullo fructu in publicum. Ab aliis, si potes, deflectendum, alia ferenda, alia non videnda. Potius curabis, ut quoquo modo temperes mala & errores, quam ut toto corpore te illis opponas, nunquam suffecturus. Noli igitur Catonisare, verum sapientis remittes de rigore, immo & de potestatis majestate, dissimulationique studebis: quod non est infamare authoritatem regendi, sed & prudentem, simulque bonum parentem, & filios; non herum, & subditos regendo cogitare.

41. Nascentis seditionis, tum audaciae, Patientia & Modestia magis est irritamentum, quam remedium: secus dum adoleverit, cava & molliare remedii loco magis succedunt.

42. Provide mature; ne populus rerum necessiarium, vel maximè annonæ penuria gravetur.

42. Periculofos conatus, quos non potes  
avertere agendo, potentia, imperio, ma-  
nu, vel solvere ratione; eludes commodis-  
simè tempore, differendo, de die in diem  
trahendo, moras neciendo, impedimenta  
studiosè obtrudendo, ut interim impetus  
agendi quoquo modo sistatur, his hebetetur,  
ardor desinat, qui nisi initio intenditur, alias  
minus potens. Non sis igitur æger morā, spei  
impatiens, periculi quam moræ patientior: in-  
gratum habens quod tutum, sed ex temeritate  
spem capiens. Velut argutè quibusdam suc-  
cessuit Tacitus.

44. Sis taciturnus Facias potius, quam lo-  
quaris.

45. Sta semper verbo; ne fidem factorum  
dictorumque in posterum amittas.

46. In componendis privatim publicèque  
rebus, dum media non valent, extrema pro-  
ficiunt; sed tamen non extra metas virtutis.

47. Initia officii seu Magistratū à magnis  
rebus tractandis incipe, quo magnam ex-  
spectationem factorum facias, sed, quæ in  
te sunt perficiendo; ne arguaris.

48. Viles plerumque, qui nimium, nec cùm  
gravitate civiles. Et viles, qui nimium faci-  
les.

49. Monstrate à nullo dependere.

50. Ludicris rebus, & leviusculis non oc-  
cuperis; ne amittas autoritatem.

51. Interdum secedas, & secretus sis; hoc enim parit exspectationem, quid pariat tuum secretum.

52. Cum nullo velis te, ut ajunt indo-  
mesticare. *Nimia familiaritas parit contem-  
plum.* Potius fac omnia, velut primum in-  
choaturus: ex eo gravitatem retinebis.

53. Non sis præcipitans, aut valde lentus  
agendo; illud levitatis, hoc est ignaviæ.

54. Quod facis, fac semper exquisitissi-  
mè. *Magis male tentata nocent, quam nihil  
gesta.*

55. Non opineris, sed scias.

56. Magna incepta incipe à divino sacri-  
ficio; benedictionem DEI, & in vulgus ap-  
paratum majorem inceptorum habiturus.

57. Non multa fac, sed magna & notabi-  
lia.

58. Tunc veram tibi inesse potentiam cre-  
des, si quæ à te ipso fulta erit, non ab alio.

59. Potentia tuetur autoritatem; id est  
quærenda in munita domo, & milite.

60. Potentia rectius beneficio ostentatur,  
quam maleficio. Beneficia Regis manus,  
flagitium coloni unius præstare potest.

61. Virorum literatorum, & estimato-  
rum, tam domi, quam ab externo, per li-  
teras, aut quovis alio modo notitiam quære.  
Interdum modicis munusculis per occasio-  
nem eos devincies; quatenus nomen tuum  
celebrent.

62. Non solum ad mores tuos advertas, sed etiam tuorum; ut honesti sint, gravitatem redoleant, non fastum; immo per omnia modestiam.

63. Malè dete loquentes, immo pessime tibi volentes, vinces potius humanitate, & affabilitate velut nescius traductionis, quād ut te omnino avertas.

64. Non in civitate, sed propè civitatem manebis; ut omnibus partim conveniendi cui necessitas sit; partim ut commodius honesto utaris secessu sine censore, dum velis.

65. Sine ostentatione monstra, quæ in laudem tibi serviant. Aptè observatum reliquit Historicus in illo Romanorum: *Matiatus*, quæ dixerat feceratque, arte quadam ostensor; quæ venustatem rebus non demunt, sed potius parant, si aptè accommodentur, familiariter fidenterque, sine ostentatione affectata, agentibus. Secùs faciunt personæ theatrales & mutuatae, quæ cùm rectum aliquid in præsens egerint, exuunt deinde scenam, citò ad naturam reddituræ. Ostentatio igitur modica pro tempore, si sorte virtutum sit in *Ethnicis*, non certè in *Politicalis*; nam famæ parandæ & autoritati conducit, si cum venustate fiat. Postquam aliquis familiariter velut per incuriam ostentaverit, quod in sui laudem servit; deinde in jocos, & nonnullas erga seipsum censuras arte declinet: nam verè modestiæ titulum affectando nimi-

nimum per omnia , laudatāque neglectim  
intermittendo , majore damno occultamus ,  
quod in aestimationem nostri servit cum non  
modica tam & parandæ jactura. Nec semper  
succedit ( apud eos præsertim , quibus per  
exteriora viros metiri , & æstimare mos est ,  
velut Samsonis olim in capitis capillo vires ;  
his effusiore in barba authoritatē magnorū re-  
quientibus ) quod Julio Agricolæ apud Tacitum ,  
*ne notabilis celebritate & frequentia oc-  
currentium esset , vitato amicorum officio , no-  
tum in urbem venit ; cultu modicus , sermonē  
facilis , uno aut altero clientum comitatus adēd ,  
ut plerūque quibus magnos viros per ambitio-  
nem æstimare mos est , viso aspectoque illo qua-  
verent famam , pauci interpretarentur . Et  
Otho parandæ militari auræ ante signa pede-  
ster , incomptus famæque dissimilis . Verum  
convenientissimè hic ponatur , quod Gra-  
mondus ( Histor Gall. libr. i. ) ait . Principi  
Suectionio à plerisque pro nævo data sui æstima-  
tio . At levis hic nævus viro Principi ; qui , si  
dotibus animi valet , cur diffiteatur naturæ do-  
num ? Principibus conscientia virtutis propriæ  
nunquam vitio vertitur ; quippe raro in res ma-  
gnas via est , per sui despctum . Multum in-  
terest Principem inter & privatum ; ille ad fa-  
mam omnia dirigit . Quod vitium huic , sœpè  
illi virtus ; quod homini privato superbia , Prin-  
cipi magnanimitas est .*

66. Legationis splendore paratur reputatio apud exterros : magis tamen legatio ponderatur à prudentia viri.

67. Impertinentes tuas actiones amputabis, ut seriis magis attendatur.

68. Novarum machinarum bellicarum, & aliarum structurarum ad inventio parit æstimationem.

69. Non congregariis cum eo sæpius quem majorem te credis; ne authoritas tua ex comparatione vilescat.

70. Academiarum fundationes, aut quod publico servit usui, servit æstimationi.

71. Ecclesiæ proceres tibi devictos habet nulla enim re potenterius capiuntur aut habentur homines, quam religione. Proverbis vero amicitiam jura & ordinem tuendo, cum iis conversando, eleemosyham largiendo. Incepturnus vero magnum aliquid in Republica, cura primò ut Episcopū aliquem & potentioribus partium habeas fauctorem.

72. Eos nonnunquam negligentius curari oportet, qui tuâ curâ subsistunt; seu sint filii, seu clientes: domestici, seu milites; dum enim ad tuam curam respiciunt, negligentes sibi redundunt, & amittunt industriam. Necessarium igitur majori ex parte, sua curæ ut relinquantur, discantque sibi in parte providete, & acuant industriam; alienæ curæ non in tantum se committentes, quin plus à sua opera exspectent.

73. Nulla munera aut officia ignaro te distribuantur; ne alteri, sed tibi beneficium debeatur.

74. Aliquis vir bonus nobis diligendus pro exemplari virtutis, & ante oculos habendus imitando.

75. Principi viro honestius puta offendisse, quam odisse; hoc mollis ac in seipsum saevientis animi, illud utique fortioris altioris que mentis indicium; male sibi ex alio, quam de se injuriam vindicare. **Cave** tamen vindictam.

76. Aut rem non tentare oportet, aut tentas, omnibus viribus, quod instituisti, coneris perficere; nam bis ad eundem lapidem offendi periculosem, & contemptui obnoxium reddit, dum argueris impotentiaz, & inconsideratè incepti: nisi alias in cursu operis advertas, te non rectum opus cepisse; tunc verò desistere, utile & gloriosum tibi putabis.

77. Excelsi animi est, nunquam in acerbitates verborum deflectere. Factis se vindicabit vir fortis pro virtute, non verbis.

78. Ad retinendam autoritatem valet, si habeas penes te viros estimatos, doctrina & rerum gerendarum dexteritate valentes, & qui in vulgus grati.

79 Nihil impossibile pete, aut impera. Neque impossibilis, (exequendo) legis author sis, cum impossibilitas factum excludat. **Posse**

Posse non satisfieri legi docet, ut primum lex, dein author legis contemnatur. Falluntur ideo, qui parvis delictis maximas penas statuunt, aut prohibent fieri, quod difficillime vitari, aut jubent, quod impossibile fieri potest; nisi in exequenda lege tantum sint cum rigore scrupulosi puniendo, atque in ferenda lege suere urgendo: nam si unius penam intermisericordia, reliqui intermitti sperabunt, aut pro multitudine delinquentium & consensu immunitatem obtinebunt. Possibilia ideo & tolerabilia petenda, vetanda, jubenda, omni in tractatu, oeconomico, bellico, togato Facilior consensus in obsequium penes possibilitatem.

80. Nemo perfectam habere potest auctoritatem in Republica, nisi qui togata simul & bellica consilia probè tractat, in curia & in castris, suarum partium aliquos habiturus; ab altero urgendo, & modicè territando potens: quarum duarum rerum maximus in Republica respectus, etiam si aliquis non terreat. Verum; quia pro potentia potest, vim necessitatis suadendo audiendi adfeit.

81. *Ingenia universalia*, rare gentes, rara pariunt secula. Rati ideo sunt, quos suspiciat orbis; aut si sunt: pro magnis habet. Nam multum in gentibus possunt; uti habuit Alcibiadem & alios Gracia; Scipionem, Pompejum, Julium Cæsarem Roma; jam aetate posteriori Hispania Magnum Consal-

vum; Polonia Joannem Tarnouskium & Joannem Zamoyskium, itidem magnos, vel certè, si togâ bellisque facta penderes, verè Consalvo maiores ( sed prout nostra septentrionalia, ab oculis altioris Europæ, etiam à scientiarum admiratione remota, præser-  
tim cùm nostros scriptores, pro negligentia aut pro modestia, talia orbi propalare ad po-  
steritatis admirationem piget ) dicendo fa-  
cundos, simulque agendo promptos & po-  
tentest, privatim bonos facultatum econo-  
mos, togâ & sagio per omnia rerum momen-  
ta ( incipiendo & finiendo ) expeditos, nec  
levi ex respectu de sententia mobiles, publi-  
ca privatis anteponentes, suorum æquè, ac  
aliorum reçè consultorum non superhos sectato-  
res, amicitias parare scientes, domi & foris  
in omni apparatu & convictu magnificos, sen-  
tentiâ in togâ graves, simul præterita, in-  
stantia, futura, consilio pensantes, fortes  
in bello Ducēs, acquirendo & retinendo,  
aut cunctando vincere, aut dum ex re opor-  
tuit, committere prælia promptos, per sta-  
tarias pugnas, vellestationes, campo & expu-  
gnandis ex arte urbibus expeditos, ad com-  
moda ex hostium erroribus capienda vigilan-  
tes, militaris disciplinæ severos exactores;  
externorum societates parare gñaros, gravi-  
tatem in omni actione servare scientes, &  
simul ( ut ait ille ) comitate & alloquis officiis  
provocantes, patriæ merum & institutorum te-  
naces.

naces. Quod verò summum & maximum :  
actione non insolentes, sed cives pacatos,  
non aspernantes æqualitatis, justos, pios,  
zelosos Divinorum cultores, simul & propu-  
gnatores , demùm ( Velleji dicam verbis )  
viros in tantum laudandos , in quantum vir-  
tus intelligi potest, qui in vita sua nisi lau-  
dandum aut fecerunt, aut dixerunt, aut sen-  
serunt Quisquis alias te magnum vendi-  
tas, si tibi unicum horum deest, extra uni-  
versale iogenium , & extra magnorum fa-  
mam positus , aliqua in parte virtutis politi-  
æ poteris esse perfectus ; sed non universim  
agendo: magnus unius partis in virtute non  
omnium.

82. Nonnulla sunt ingenia, quæ non nisi  
in magnis negotiis se explicare possunt, &  
potenter agunt. In parvis, dum contem-  
nunt, vel angustos limites agendi habent,  
velut victa, & nihil valentia impingunt, im-  
plicantur; ut sæpè, cum magna fecerint ali-  
as, in parvis arguantur. Nam æmulantur  
naturam magnorum navigiorum, quæ super  
altum mare triumphant, & fluctus contem-  
nunt; in portu, aut in lacunis, velut nihil  
prosutura, hærent, ut à parvis etiam Myopa-  
ronibus præter navigantibus illudantur, illu-  
dendi ipsi, nisi essent in parvo, alias agere  
impotentes. Immò communiter fit, ut par-  
va negotia magnis ingeniis plus difficultatis  
adferant, confundendo verius sua parvitatem,

quām ut suprà vires sint: dum sunt similia  
tensis ferarum retibus, quæ tigrides, leo-  
nésque capiunt, non quia ligant, sed quia  
implicant, & molliter involvunt, impedi-  
endo verius, quām vinciendo. Addam  
adhuc: Judiciosos viros breviloquio ple-  
rūmque, & modestiâ gaudere, ut audacu-  
lis, sciolisque, dum in consulendo, multa  
loquacitate obstrepunt affectatè, & suffura-  
tâ apud vulgus, Principémque autoritate  
substruuntur, cedere quodammodo, velut  
inferiores aut inscii videantur. Nam sunt  
decernendo, seu asserendo, vel censendo,  
quām disquirendo aptiores, & pondus rei pen-  
sant, non sonum, ratiocinationum super-  
fluarum sunt nauseatores, nec in mediis du-  
biorum hærere amant, cum recti judicii in-  
dulgentiâ, sine flexuosis, sinuosisque inda-  
ginibus, scopum ipsum rerum promptè, pro-  
bēque vident; vel ut clariùs dicam: magis  
positivo, & pratico, quām scolastico, aut  
speculativo sensu, abundantes.

83. Nec illa ingenia omittenda, quæ tum  
nisi potenter zelosè, aut secus levi passu rem  
aggrediuntur, & agunt, prout irritantur vel  
non, aut prout privatus respectus illis adest.  
Alia tentant modò leviter, dein negligunt,  
dum evenit, velut ursis, quibus nisi exagi-  
tatis, maxima vis adest. Exinde sic agere,  
non est ex virtute, sed magis pro impetu,  
pro aspectu, & pro animi passione; prout  
is

in nobis hæc, aut illa irritatur, & invalescit. Talia ingenia commodissimè maligna vocaveris, aut privatipeta, aut passionata, aut communio re titulo, *Affectata*.

84. Milce, ut partim quæras amicitiam, partim tua queratur; ut acquirere eam, non emendicare, aut profusa submissione, vel curâ emercari videâre. Ingrediaris potius, non irruas in amicitiam affectatè.

85. Si tibi amicus aut cliens in uno non satisfecit, aut ad palatum non accessit, potius similes occasiones vita, non verò statim per omnia defere, aut abjice. In rem enim aliam poterit esse utilis. Nam perfectæ virtutis hominem, quo in orbe quæras, aut invenias? Ad rem meam Divus scriptor: *Non indignabundus feras aliorum defectus, quia tu multæ habes, quæ ab aliis oportet tolerari. Si non potes talem te facere, quamvis vis, quomodo poteris alium habere ad tuum beneplacitum? Libenter habemus alios perfectos, & tamen proprios non emendamus defectus. Volumus quod alii strictè corrigantur, ipsi tamen corrigi nolumus.* Dispicet larga aliorum licentia, nobis tamen nolumus negari, quod perimus. Alios restringi per statuta volumus, & ipsi nullatenus patimur cohiberi. Omnia potius omnibus parces, tibi nihil.

86. Neminem lauda, aut vitupera absensem. Pejora enim illi de te narrabunt. Immo non fac in præsentia. Laudatum enim

superbum reddes, vituperatum aut reprehensum, per rigorem amittes amicum; cum te censorem magis agnosceret, quam familiariter.

87. Sed tamen vituperatum defende magis, quam ut assentiaris; de se quisque expectaturus, quod facit de alio in praesentia.

88. Alloquendo, querendo, consilium petendo lentus sis, nec quasi sedulus; ne omnia tribuisse amico videare, & contemparis, quasi nihil per te valitus. Potius quandoque in tempus sepone, non tamen diu negligere in pretium amicitiae.

89. Reprehendendum amicum privatim admone honeste; saepius verò, quasi nescius dissimula, pro amicitiae libertate.

90. Partim locum superiorem da, partim sibi cape. Parem te teneas, non inferiorem, aut supra.

91. Jocos vita, quilevitatem pariunt: sed tamen affabilitate sovetur amicitia. Falluntur, qui sub nomine affabilitatis, licentiosis dictariis, equivocationibus morosis, tum verborum affectatis argutiis, facitorum, jucundorumque famam parare sibi cupiunt. Potius scurrarum, cavillatorumque titulum merentur, Deumque offendunt. Utendum erit jocis, sed qui non perpetui sint, verum per incuriam velut attracti, condimenta sermonis & obsonia, non perpetuus ad nauseam pastus, ne vice solatii fastidium pariant,

præfertim: dum in jocando, aliqua pars odio digna habetur. Jocus sit sine iocommate, sine alterius damno, sine dolore, sine levitate, secus non jocus erit, verum exacerbatio contentioque studiosa.

92. Si offensus sis, reprehende, aut parùm te averte. Post obijice sponte occasionem amicitiae, & facilitatem, aut per alium insinua; ne difficultate reconciliandi avertas amicum, & amicitiam suffoces.

93. Familiaribus, aut intimis alicujus parte, aut tuos innotesce. Da bona verba cōram de eo, quem amicum credis.

94. Juva omnimodè afflictum amicum, ut bene illi tecum esse videatur.

95. Plures amicos quare. Doce te plures habere posse, dum velis. Neque tibi satis sit, uni alligari.

96. Cura: ut majus pretium in amico sit tuæ amicitiae, quam in te amici: & monstra, dum potes, juvando, consulendo, plus ilitecum interesse, quam tibi cum illo.

97. Non admitte superbam censuram amici, ne superiorem agnoscas. Etiam ipse non licenciarare. Nimius rigor suffocat: libertas sentiendi, faciendique fovet amicitiam.

98. Potius apertum inimicum malis, quam dissimulanter amicum: ab eo providere potes, ab hoc vix casas; sed hoc inter pares. Verè dictum: *Arma aperta palam vites, fraus & dolus occulta, eoque inevitabilia.* Malis ta-

men utique alteri esse dissimulanter amicus, quām apertē hostis. Specie amicitiae multis superior esse potes, & injurias illatas honesto prætextu atque occasione coërcere, sed intra metas virtutis. Aperta hostilitas similem ab adverso provocat, plerūmque studio præveniendi periculosum,

99. Cave; ne in quenquam conferas beneficium, quod cum alterius injuria conjunctum. Non enim taliter mereberis de ilius amicitia, quām hujus provocabis in te odium.

100. Nunquam (quoad tutē & prudenter poteris) contemptum tui donabis, etiam amicissimo. Statim responde. Vanum ea in parte *discretionis nomen*. Levior jactura amicitiae, quām existimationis: illa amissa reparatur, hæc nunquam. Sed tamen fac modicè reprehendendo, injuriam illatam, non verò acerbius vindicando.

101. Non verò ad quamlibet injuriam amici emoverevis, quæ per inadvertentiam illata. Eo casu illatam quasi non intelligere debes. Scio quidem moderationem istam animi non omnibus esse probatam, qui præser-tim putant, nullam injuriam sine sensu transmittendam, metu: ne *st* veterem *in' uriam feras, invites novam* Verùm tales: cùm reddere formidabiles se cupiunt, hoc simul efficiunt, ut nemo cum illis habere commercium velit. Cùm enim labi prona gens, mortales

tales simus, & subinde affectu, seu incogitantia abripiamur; quisque metu offendit istos odii tam properos, tenacesque fugiet, seu bestias feroce, solitudini relinquens suæ. Sed tamen injurias per petulantiam, insultandoque factas, exemplò cum fiunt, coercendas puto; non ultionis studio, sed castigando: ut in posterum modestius in te, & in alios se gerant, neque in te ipsum postea ced facilius peccetur, quasi ex facili omnia toleraturum.

102. Nunquam amico, aut inimico (quod loco magni consilii habe) aliquid de te acerbius dictum, factumque exprobra; sed quasi nescias.

103. In evitandis mutuis injuriis, aut retorquendis acerbitatibus imitè prudentes digladiatores: qui concurrendo, non semper oppositu armorum adversum iustum retundere opus habent; sed aptè corpus suum in partem declinando, aut humiliando, aut contrahendo, vulneri subtrahunt, & vitant; ut illud suæ fortitudini, si hoc non dedecori, sed arti tribuendo. Tu quoque haud prudenter facies, si cuique acerbitati autoritatem opponere, & in periculum dare velis. Potius te ab injuria recipienda declinabis, aut receptam velut nesciens, aut cedendo fortunæ, medius inter dissimulantem humiliter seres, condonando fragilitati, aut antiquam amicitiae, aut inadvertentiae, aut temporis,

pori, aut occasioni, immò tibi; ne dum retindere vis, nec tamen possis, ed majus vilipendium in posterum patiaris. Nonnullorum verò sociorum est natura, quos velut duros slices molli subiecto pulvillo commindas, & in rem, prout velis, aptes, duriusque exceptos haud contundas: sic illos facilius nonnunquam humanitate, quam oppositū austeræ gravitatis devincias; prout alterutrum succedit, in rem dextrè accommodaturus. Aptissimè in rem sparsim Seneca. Aut potenter te, aut impotenter læsit? si imbecillior? parce illi; si potentior? tibi. Prudensiori cedamus, stultiori remittamus. Amicus est? fecit, quod non voluit; inimicus? fecit, quod debuit. Multos absolvemus, si cæperimus ante judicare, quam irasci. Nonnulli seipso volentes inquietant, dum interpretatione quædam eò perducunt, ut videantur esse injuria cum non sint. Immò quosdam dum vana conciterent, irascendo perseverant, & causas offendarum sponte à longè petunt, immò impo- nunt, ne videantur cœpisse sine causa. Multæ nos injuria transcurrunt, ex quibus plerisque non accepit, qui nescit. Non vis esse iracundus? non sis curiosus.

104. Meliorem scias esse surreptorem administrum, modò prudentem, dextrumque agendo; quam inertem, licet alias fidem. Potiora ut auferat, ruborem utique ille habet;

bet; hic totum pessumdat per inertiam. Rem certam dico ab experientia.

105. Præmiis retinetur amicitia. Verum præmiabis sunt dulcia: dum promittuntur, & cum dantur. Promitte tu prius, postea interjecto tempore dare poteris. Bene ait ille: *Diu desiderata dulcissimis obtinentur, & citè data vilesunt.*

106. Pueris, fæminisve quæstus; viris actio convenit, aut saltem dissimulatio.

107. Prout ingenium nostrum in hanc, aut illam, recti pravique partem naturaliter inclinat; hæc, aut illa exempla, tum consilia promptius sequimur, aut fugimus. Ut luppen auribus tenere, tum aquæ characteres imprimi contendas: sic quosdam in hoc, illudque inducere contra genium naturalem frustra emitteris. Flectuntur in tempus, sed non transferuntur, nec franguntur: dum velut in scena mutuatam pro tempore personam diu sustinere non possunt, citè ad naturam reddituri. Hinc illud: *vulpem pilum mutare, non mores.* Consilia magnanimitatis generosa: que mentis conatus si meticulosis suggestas; promptius illi, dum timent, exempla dissimulationis in speciem cautorum, & modestie amplectuntur. Parcis, tenacibusque munificentiam, utiles erogationes, splendidos pro authoritate apparatus, suadere iustitiae studes: sed rationes turpis parsimonie sub velamine inutilis prodigalitatis, & de-

coctionis bonorum , promptius illi sequuntur. Deinde trucibus ingenii clementiam , humioraque quid proponis frustra : cum illi in severitatem nimiam , importunumque rigorem , sub imagine justitiae , & correctio- nis malorum proniores. *Lenta* , cautaque dein temerariis suggestes parvo effectu: dum in argumentum audaciæ , constantisque ani- mi incaute , præcipitanter , inconsideratè periculis se committunt ; male captis persi- stunt , errant , non provident. Avaris , quæ stuosisque ingenii , recti , honestique legem , ut ad famam præcipua rerum dirigant , non persuadebis : cum sub velo civilis accepti , licitorum , tum necessitatis in illicitos quæ- stus devolvuntur ; cum decipiunt ipsi , non deceptos se tunc ajunt , astutiam ad injuriam virtutis prudentiam agendi , & cautionem vocantes. Demum prout natura hominum in hanc , illamque virtutem , aut vitia proni- br est facilius ; aut secus difficulter , indu- cimur , & suademur. Vide notations me- as Politicas puncto XII

108. Circumspecti , cautiique viri per omnia magnis tribus gerendis valent: nam lenta , & provida summae rei proficiunt. Verum ne- gotiis minoribus aptiores , qui nimia consideratione non laborant ; quæ saepius obest. Aliqua enim impetu , & sorte promptius ha- bentur ; nec , si hoc , illudve curiosè cir- cumspicias , quod in rem est , assequere. Du- bitas

bitatio de eventu ex nimia consideratione plerumque animum involvere amat opinione periculi, & diffidere facit. Illud modò considerandum; ne quod intendis, contrationem sit, contra famam recti, & contra conscientiam.

109. Dandæ consolationis, tum compoñendorum animorum non melioratio, quam fateri justum patientis, sive animi, aut fortunæ, sive corporis dolorem: dein adhibere dextræ lenimenta; ex casu humanorum, & instabilitate fortunæ, quæ eodem passu vadere nescit, esse causas doloris; nec deesse remedii, tum solatii. Animi dolorem interpretatione quandoque majorem reddi, corporis morbos, tum fortunæ casus augeri longa imaginatione, aut nonnunquam sola opinione, certum est. Verum ad melius consilium, præsertim vero ad *Divina* & nostri justam pro demerito pœnam lape revocandus animus. Qui secus componendis acerbitatibus, aut doloribus remedium putant; negare justam causam doloris, falluntur: nam sic directè pugnant in affectum patientis, velut mollitiei, aut judicij cum arguendo. Nec ideo sanant morbum, verum contraveniendo in majus irritant animum. Potius ingenuè fatendum, justam doloris, tum offendere subesse causam; sed modum habendum. Atque sic est recte condoluisse, simul que probum scamicum profiteri yelle, dum eadem

eadem lance dolores; qua ille ipse, qui do-  
 let, nec leviter, contemptimque, pensa-  
 mus. Concedemus nonnihil ægritudini ani-  
 mi, & præconceptæ opinioni, ut jauisse in  
 firmitatem dolentis compatiendo, non im-  
 pugnâsse studiosè, immò condemnare, dum  
 non pro dolentis parte loquimur, videamur.  
 Laudo peritiam, aut argutiam medici cujus-  
 dam Poloni. Cùm in ægrum nobilem inci-  
 disset diutine capitis dolore agitatum, eoque  
 insana imaginatione proiectum, ut sonum  
 campanæ, dein campanam in cerebro sibi  
 enatam obfirmatus animo asseveraret: ne-  
 gantibus possibilitatem morbi aliis medicis  
 rum, & ægrum insaniz arguentibus, cor-  
 poris simul, & animi dolorem auxerunt. Ve-  
 rūm ille argutior, reliquis abire jussis, velut  
 medendi inertiam exprobraturus, indigna-  
 bundus novitati morbi longa oratione con-  
 doluit, promptitudinem curandi simul offe-  
 rens. Interim æget, assentiri medico, pre-  
 hensare salutis patronum, simul fideliter ani-  
 mum, & corpus superaddita pingui satis cu-  
 ratiois mercede offerre curandum. Exin-  
 de medicus opinioni patientis nonnihil in-  
 dulgens, comparata subtilissimo artificio  
 modicâ nolâ, vomitorias potiones ordina-  
 vit; tum vomentis caput in speciem com-  
 patientis, sustentans in suppositam pelvim,  
 nolam manu aptissimè occultatam cum soni-  
 tu cadere fecit, vomitu velut è cerebro pro-  
 ve-

vocatam: ut imaginationis insolentiam simul & morbum à novae artis commento demeret & grotanti. Sæpè dolemus, aut offendimur; quia offendì nos putamus.

110. In omni actione dubia malis in eam partem peccare, quæ utique corrigibilis, quam quæ corrigi neutiquam potest: aut saltem in eam, quæ minus damni, dubiique habet. Vetus dictum: *Inter duo mala minus eligendum.*

111. Quæ non potes conservare, aut assequilicitis artibus contentionis, litigii, fortioris manus; illa interpositis dextrè amicis, & agendi autoritate adipisci conaberis, & mediatinis, ac securæ, honestæque pacis artibus, deinde protractione, dissimulatio-ne, meliore occasione, & morâ res sensim emolliendo perficies in melius: vel saltem adlaborabis, ut in majus nocenditibi media, & potestatem alteri parti quoquomodo prior auferas, audax, cautus, & prudens. Artibus pacis, rem dum aggredieris, semper habes in potestate, ad artes rixarum, bellique pro commoditate, dum velis, recur-rere; secùs in contentionis campum dum temerè te dederis, extra potestatem jam erit, (nisi pro arbitrio fortunæ) ut pax, & quies, statuatur: æris profusio, pericu-laque, vitentur. Per omnia igitur prima sit tibi artium mediationis, id est, pacis, cura: rixa, partiumque col-

lilio semper sint ultima, & ex summa necessitate. *Velut in militaribus meis, quæ propè diem fero, artes pacis, bellique fusiūs dabuntur.*

ANDREÆ MAXIMILIANI  
F R E D R O ,  
*Castellani Leopoliensis,*  
MONITA POLITICO  
MORALIA.  
PARS QUARTA.



Sunt bona vita Scopus, nervus monita, acta sagittis:  
Ille Scopum, nervum qui bene tendit, habet.

1.

N Unquam proba vires; & armorum  
exercitia etiam lacestitus non exerce.

Vi-

Videaris tamen exercitatus ad retinendam opinionem scitæ dexteritatis.

2. Non verbo contendere, aut disputare; sed quod sentis, sine affectu narrare.

3. Cum iis non contende, neque move hitem, quibus potentiam impares.

4. Ciceronis precepto amicitiae quæ nota placent, dissuendæ magis, quam discindenda. Quasi dictum velit, ut lente seponas amicitiam, & ab illa disuescas potius, quam ut contemptim abjicias. Illo enim modo saltem cessabit amicitia, hoc vero parabitur animicia ex contemptu sui, per precipitem aversionem. Non statim igitur mutabis stygium amicitiae, ut solum familiaritates sint sepositæ, non inimicitiae suscepitæ.

5. Si vera alicui loqueris; dic neque te pro conscientia dicere aliter, neque illum aliter facere posse. Obtende pericula, nisi fiat: male te veritate, cum salute amici, displicere, quam placere assentatione cum periculo. Libertatem interim sequendi (velit, nolite) propone.

6. Non statim petitis, aut intercessioni amici annue, etiam assensu-us. Deliberaturum te dic; ne ille sibi totum te vendicet, & facilitate amittas autoritatem, aut dependentiam, ut ajunt, agnoscas. Gratius item venit beneficium à deliberante, quasi non à levitate profectum, sed à ratione.

7. Non unum amicum in consilium vocas, sed plures; ne uni tribuisse, & te credidisse totum, quo superbū reddas, videare. Aliquando studio præteri.

8. Talia loquere coram amico, & cliente, quæ divulgata pudorem, aut metum non incurant. Verè ait ille: *Ita amicum habeas, ut fieri inimicum putas.*

9. Nunquam totalem tui fiduciam habeas, sed verecaris potius. In secunda fortuna amicos parabis, eos in adversis pro subsidio habitus.

10. Nunquam te aliter amico uni credes, ut partem securitatis aliunde tibi non relinquis.

11. Multis ex similitudine morum est amicitia; sed hanc circa honesta quæres.

12. Adversarii, aut hostis, diversa sunt nomina. *Adversarius* vitio nostro nobis adversatur; *hostis* suo. Ut adversarium vites, te corrige; ut hostem amoveas, illum corrigi oportet.

13. Pileo, & comitate multi parantur amici, & facilitate aditus. *Vili* emitur, qui pileo, & familiari verbo emitur: *Mauritii Auricci* Principis dictum.

14. Facetiis abstine; quæ ubi multum ex vero traxerint, acrem sui memoriam apud amicum relinquunt. Sed tamen in sermone nimium intensa verborum severitas, aut triste supercilium vitandum, quod locò gravitatis,

tatis, nomen morositatis, aut superbiæ partis; nisi civili, honestaque comitate utaris.

15. Non omnium quandoque rerum scientem simul; agendo, otioso simillimus.

16. Antequam aliquid promittas, cogita impedimenta, quæ occurere possint: an difficile sit præstatu? an sine tui alteriusve fastidio fiat? ne post pœniteat promissi.

17. Non sis properans in delectu amicorum, nec statim, ac affectus dicit, intimum pectus aperi. Luciferis cum affectu volenti, Vide prius; an virtuosus, an constans, an taciturnus sit? an tuus, non tuae fortunæ amicus? Sunt quidam simulatæ virtutis, quæ omni malitia deterior, facie, non animo boni, habitu & ore (Taciti utar verbis) ad exprimendam imaginem honesti exerciti; cæterum animo perfidiosi, & subdoli, avaritiam, & libidinem occultantes, politicè, & ingeniosè nequam: qui eò prodigalius amicitiam obligant, quò magis violent. Quærunt amicitiam, sed quam ad suum commodum rese- rant, quæ aliàs inter bonos reciproca probatur; nihil debere se aliis, sed ex superbia de- berisibi totum rati. Colloquuntur familiaris, sed venena tantùm exsugunt verborum. Conversantur, sed nisi reprehendendum quid videant, cùm totum damnare non pos- sunt, nævum studiosè querunt, aut per ma- litiam adstruunt; bonorum factorum cæci, aut obliviousimi, & detrahendi tantùm me-

mores: nunquam minus amici, quam cum amicitiam ostentant: sub specie amicitiae quemque facile invadentes, & quibus ipse, si resurgat, exemplar bona virtutis *Cato*, non se tutò credat. Quidni tales fugias? aut saltem probes prius, nisi sapiant venena melleuncta; ut minore damno feras titulum solitarii, melancholici, vel, si familiaritatem vites, fastuosi, quam ut familiare, & intimum pectus aperte velis, procul tamen nota vitantis.

18. Aliorum exemplo metiaris amicum; si alteri fidus erat, si non decepit, si aliorum famam recte coram tractat; propè est, ut idem tecum sit.

19. Parùm melancholici in amicitiam diligendi. Modica melancholia proprius constantiam est; effusa latitia propè levitatem. Sed plerumque fallo nomine melancholiā nuncupamus, dum potius gravitas morum vocanda: aut sit licet illa, prudentibus tam viris per honestas actiones pellere illam in potestate semper est; præsertim dum adhibentur in amicitiam convictūs. Amici & faceti convictu clientes, verba & sermones in materia gravis eu cirea privata, convivæ, musica, latrunculorum & chartarum lufus, histriones scenici, deambulatio nemorum, & hortorum, vectatio, balnes, navigatio, venatio, equitatio, hastiludia, jaculationes arcuum, & scloporum, tormentorum

torum ad metam collimatio, res œconomica, architectura palatiorum, & fortalitiorum, tum modicus secessus *causa pietatis*, vel prætextu expediendorum negotiorum publicorum, in quam rem serviunt domorum abdita triclinia, & recessus, demum lectio librorum, præsertim verò historiæ, si ad Geographicas tabulas reducatur, tum Geometria Practica distrahunt otiosum tempus, nec leviter recreant animum. Insuper, idque maximum, temporis justa divisio in singula negotia tam seria, quam quæ ad amænitatem convictus) fallunt diem, & melancholiā pellunt.

20. Qui necessitate ad amicitiam tuam compulsi, ab aliis repulsi, aut à te commoda sperant; illi haud durabiles in amicitia. Vide ergo, ut sponte amici fiant, non ab alio respectu. Sed tamen occasio nobis fæpc parat amicos.

21. Pares tibi in moribus quæres amicos, si sapi. Ex dissimilitudine morum non solum disjungitur amicitia, sed nova paratur offensa. Qui cuus amico convenias; si tu melancholicus, ille hilaris: tu domesticus vel solitarius, aut effectatâ gravitate stoccus, ille liberalior publicam lucem amans: tu de libris, ille de equo, arcu, bello loquens: dum veretur quisque, ne multa ingrata, tristia, minùsque popularia, aut necesse ferenda in te, aut imitanda sint? Igitur

penitiùs, & sine complacentia naturam re-volve priùs. Verè definit amicitiam ille: ut sit mutua, ac benevola, animorum fibi simili-um in bono consensio. Raros exinde videas in orbe veros amicos, licet multos habeant ad convictum Sodales.

22. Si in familiaritatem incurvant homines audaculi, verbo, & joco impetuosi, ac prope importunitatem; ferè eandem taciem induc, jocum joco solve (media tamen cum gravitate) & acceptam acerbitatem dissimula, vitaturus posthac congressum: verùm procul à nota vitantis. Nulla enim re magis in levitatem incurres: quām à talium familiaritate sociorum

23. Si in Magistratu tibi posito morosi, aut importuni allocutores occurvant querulando, petendo, multa garriendo, utique non acerbè loquentes excipies, sed modestè morositatem eludendo respondebis: rem esse tanti momenti, quæ in aliud tempus differatur commodiùs audienda, nostri partem interim cæteris quoque audiendis deberi. Absit verò, ut aliquem effusis pollicitationibus trahas, vel ludifices: modestè potiùs comitèrque excusabis non facturus, quām ut mentiaris, eò plūs odii, & levitatis postea paraturus, quò magis placere voluisti inanum pollicitator; unde simul impotentiam tuam prodes, dum præstare promissa non poteris.

24. Graviores sæpè succrescunt offendæ Post reconciliationem, si dissimulanter reconciliaberis. Præstat quandoque amicitiam in tempus differre, ut interim omnis materia offendarum amooveatur.

25. Importuna excusatio, est accusatio sui, vel alterius opportunissima.

26. Nec intimo amicorum; immò neque uxori, secreta Reipublicæ revelanda.

27. Sint tibi certi dies, quibus cum domesticis clientibus liberius colloquaris. Nec asperneris quandoque hilariorem *media cum gravitate* convictum: nam illa tristis sui heri, perpetuaque observantia, alienat per modica domesticorum affectus, ut levius quandoque ducant non munerari, quam negligentius præteriri; præsertim illi generosioris mentis, quos tenaciùs per humanitatem habeas, quam profusa liberalitate, in cætero superbus, pares. Non clientum modò, verùm & sanguine junctorum bonos erga te parabis affectus, & arte quadam humanitatis retinebis; medius tamen inter elatam gravitatem, intérque, ad obsonii raritatem, familiaritatem effusam: nam secùs te oderint. Acerrima sunt proximorum odia, maximèque *inimici hominis, domestici ejus.* Matth. cap. X.

28. Mordaces alicujus, vel populi, sermones, non magnâ vehementiâ, sed ingeniosè refutare, vel potius per jocum, aut tacendo cludere debes.

29. Commissurus aliquid tractandum alicui; causam non refer, verum serio injunge, & posce operam; vel si reters rationem, non tuum privatum commodum sapiat, sed publicum, ac proinde exequentis: quod libentius commissum exequatur.

30. In gerendis negotiis utilior est opera eorum, qui ad tuam opem, & liberalitatem respiciunt; quam qui beneficiis jam a te onerati. Ideo quocunque aggredieris opus, & socios perficiendae rei quereres; face eos aliquid utilitatis exinde sperare.

31. Non semper secretus sis; sed aliquando popularis parandis amicis, sine quibus nihil praestat. Non habebis verò amicos, qui non queris: queruntur enim non querunt. Immò querunt popularem.

32. Mordebis neminem ore, calamo, vultu. Accusabis neminem, sed potius modice laudabis quemque pro merito virtutis. Non sis velut ille apud Tacitum: *Optimum quemque iurgio lacefens, & respondentiret*, ut pavida ingenia solent.

33. Ea occulta vis linguae, & verbis inest, ut seu amando, seu offendendo, plius in animis hominum posse verba, quam facta, re ipsa experiare. Ideoque gravius maledictis, quam malefactis exacerbamur; & difficultius consumeliam perforimus, quam damnum. Malefacta dolorem, maledicta contemptum nostri ingerunt, qui altius ferit, quam dolor:

lor: nam in animum intimum pugnat, & in mentem; ille in corpus tantum, aut quod est circa. Tum è converso, gratiora sunt generosis pectoribus bene dicta, quam bene data, ut ferè inter omnes actiones, si amicos parare cupis, in verba prius, quam in facta; & linguæ magis, quam manuum operationi (nam lingua altius, quam gladius ferit) intentus esse debeas; seu quid acerbi seu quid grati auribus, & animis hominum efferas; quæ est honesta ad capiendos hominum animos fallacia. Rectè ait quidam: lingua, modica pars corporis, navium gubernaculo similis, in cuius parvulo motu totius navigii regimen, immò salus, & interitus vertitur. Minore utique impensa obveniet, multa bene dixisse, quam multa dedisse. Verum si utrumque rectè adhibeas, pluribus felix eris amicis. Adde: acerbè facta vim inferunt, atque ideo terrent simul offendendo, ut deceas metum cuiusdam venerationis, seu respectum sui incutiant acerbè dicta, dum inermiter exacerbant verius, quam offendunt; odium, non terrorem movent; ac proinde inermis iræ contemptum, tum indignationem apud audientem pariunt; cum audacia majore in uitatem. Sic Germanos olim terrebant Romanorum arma, & officii admonebant simul. Postquam vero sub Quintilio Varro, ab armis ad inermem verborum conflictum, & litigiosa ventum iugia, quasi ad

ad reliquam injuriam id summum adjiceretur; implacabiles idē facti, nec estimatis amplius legionibus Romanis, eas oppressere. Ait Florus lib IV. Germani postquam tristes togas, & sæviora armis. iura viderunt; duce Arminio arma corripiunt, &c. Unius causarum patrni os futum, recisā prius lingua, quam in manu tenens Barbarus: tandem, inquit, vipersim sibilare desine. Ferdinando Arragonio Regi Neapolitano non majus argumentum fuit Neapolim recuperandi, quām cūm accedente ad urbem victore Carolo VIII. Galliæ Rege, publicè valedicturus Neapolitanis., Gallo rum partes apertè secutis, suavissima eos oratione allocutus est; ut eius sermonis, ob idque aquioris animi memoriâ, posteà desiderium in Neapolitanis. excitaretur. Ferdinandi revocandi, Gallo relicto, à cuius Præfectis inhumanius tractabantur (Franciscus Guicciardinus Histor. libr. I.) Sic præstat etiam erga nos male affectis, quos punire, aut cohibere non potes, bona verba dare penes moderationem animi, quām pro impetu asperius tractatos in majus exacerbare, nullo in rem tuam commodo. Præterea in sermonibus non semper, ut Didaci Savedræ ad plenam loci doctrinam per diversa casuum, monitum includam, formulis alioquiorum ordinariis, & generalibus responsis utendum: hæc enim cūm dantur omnibus, satisfaciunt nemini.

32. Nec parum affligit mærentem animum, se responderi sibi videat, quod nōrat jam ante, quodve prius etiam, quam proferretur, ad supplicis aures pervenerat. Nec semper audiat Princeps; roget interdum: nam qui non scitatur, dere plenè cognoscere non posse. Inquirendum igitur, ut status causæ penitus perspiciatur. Justè succensitum olim Vitellio, qui brevi auditu quævis magna transibat, impar curis gravioribus.

34. Non minus prudentis est viri; scire quid dicat, quam quid taceat. Sæpè importunè prolato verbo, multa benè incepta in adversum ivere; præsertim si efferratur, quod suam partem ab aliqua conjectura prodere, adversam verò præcavere, aut temeritatem provocare possit. Rectè *Æmilius Probus*: opportunè tacere non minoris est prudenter, quam diserte loqui, eorum prætertim, qui alto honoris gradu subsistunt. Sunt alata verba: amant facile in vulgus deferi; ut præstet opportuna quandoque tacere, quam obliquas *Corresaneorum* interpretaciones experiri.

35. Titulos inusitatos sperne: oblatos modicè excusa; nam sunt propè invidiam.

36. Indicaturus lites, nihil profer præter decretum; ne affectus pro altera parte colligi possit, quod erit extra invidiam. Exuit personam judicis, quisquis amici induit.

37. Si aliquid detrahunt tibi homines, erige potius animum; sciens æmulam magnorum esse invidiam; immo meliorem esse utique acerbam invidiam omni amica commiseratione. Sed vide, ut intra metas virtutis hæc habeas.

38. Contemne linguarum, calamorumque vulnera; & vinces. Nullum illa lœdunt, nisi volentem. Verum is contemptus ex animi generositate, & conscientia propriæ virtutis, non ab ignavia proveniat; velut de Nerone Suetonius. Nihil eum patientius, quam maledicta, & convitia hominum tulisse: vel contemptu omnis infamiae, vel ne fatendo dolorem, irritaret in pejus ingenia. Sic ferè incorrigibiles dum sumus, objecta flagitia non pudoris, sed jociloço habemus. Unum nonnullorum studium malè agere, deinceps factum excusare. Impius cum in profundum venerit, contemnit. Lætantur, cum male fererint, & exultant in rebus pessimis Proverb.

39. Cedendum aliquando furori populi; quam obsistendum. Tacendo multa diluntur.

40. Vide; ne alium statum, quam populus tenet, & amat, spirare videare. Ideoque commodis populi studere te monstrat, juvando loquentes, in adversis compatiendo.

41. Etiam aliquando infra genus tuum te abdice; nec mensam populi fuge & convivum.

Etum. De Augusto Tacitus. Populare creditur immisceri voluptatibus vulgi.

42. Liberalem repræbē. Rebus non potest nemo verbis pauper est. Nemo tristis à te recedat: nulli tristem faciem, & rugosam frontem monstra, etiam ex justo negaturus.

43. Avaritia, & parcitas egregiè factis, ac proinde bonæ famæ, obstant. Non amicitias civium parabis, non clientes habebis, non servitum publicum pace, aut bellò probè tractabis, quin aliquid erogare necessè habeas: quod parcè erogantibus, quod gravius fit, eò remotius à bona fama ablunt; imò re ipsa malam habent. Ferè eò collimat dictum: *Qui parcè seminat, parcè & metet.* Liberalitatis igitur in convictu, & munificenzia erga clientes, tunc amicos nomen, modò tamen extra prodigalitatis naturam, egregius quisque vir sibi paret honestè erogando; in argumentum obtinendi amoris primùm, dein habendæ authoritatis inter cives. Sed liberalitatem dum exercemus, ex rivo hauriamus eportet, non ut fontem ipsum exsictemus. Qui per ramos carpunt arborem, & fructum, sequenti æstate renatos iterum colligunt; qui secùs ad radicem securim admovent, ipsam, fructumque nulquam redditum perdunt: sic erogationes honestæ, proportionatæ, planèque inexhaustæ sint, quæ ex profventu, non quæ ex alienatione fundorum,

sum, tum originalis boni, *sola perdendi cura*, apparantur, nam aliás citò desinunt. Is igitur impensis diu sufficit, qui *ex ramo*, dicere si licet, *non ex trunko viverè studet*. Quæri exinde potest; quare fiat, ut avari parentis successores plerumque prodigales fiant: ut fuit Caligula post Tiberium. Antonius Caracalla post Severum Imperatorem, & alii palam. Ratio in promptu. Dum paratam inventiunt gazam, & opulentiam, ex aliena opera, per totum habent; ingenerari necesse est ex dudum præparato nullam sui, & suorum in præsens curam (nam, quæ non peperit sibi, quisque minùs amat; cùm proprius labor magis pensetur, alienus uti gratuitus, leviùs habeatur) sed potius ex remissione curarum corruptelam: ut sit primùm malus usus gazæ parentum, deinde luxuria, tum insolentia, exinde ali rum contemptus postmodum veniat (modò sine vulnere) egitas.

44. Audacissimum quemque è plebe beneficiis vince, tibique obstringe, dum senseris, quibus capiatur. Virtuosos tamen, & modestos in amicitia interiori præpones. Hidum pro virtute agunt, rectum semper, constanter, & sincerè faciunt: illi saepius insolescunt, & molestiam in amicitia faceant; nec debere se, sed deberi sibi totum volunt. Devincies tamen tibi illos, *non ut profint, sed ne noceant*. Immò prodesse poterunt pro tem-

tempore si recte utaris. Argutè in rem Velleus Lib II. Histor. Brutum inimicum habere malles, inimicum magis timeres Cassium: in altero major vis, in altero virtus.

45. Ab asperioribus verbis cave: verum mollioribus utere, etiam non laudaturus, etiam reprehensurus.

46. Negatio molibüs vestita verbis, gravior est tristi, morosaque largitione.

47. Potius odia lenitate humanitate admista, vincuntur, quam mutui odii pertinaciâ.

48. Iterata beneficia fortius stringunt: vel ut repetita vincula fortius innescunt. Ide frequentia potius, quam magna confer; quod diutiis dando sufficies. Nam vere homines beneficiis passim utuntur, ceu floribus: tam diu gratis, quam diu recentibus. Marce. Icite eorum memoria, nisi sapientius dando renoveretur. Sapere verò dare non sufficies, si magna simul dederis. Deinde scias op̄ortet, cariorem esse cuique modicam recompensam pro virtute, & merito, magisque deberi gratiam exinde datori; quam quodvis magnum donum in obvios petitores effusum. Hoc enim accipiendi modo, non ad virtutem nostram, sed ad fortunam, liberalitatemque conferentis, honos refertur; illo priori utrumque simul pensari, & munus, & quod maius est munere; virtutis nostrae estimatio; cuius esse quisque sibi conscient & ab aliis pensari quam maximum cupit; vel

secus improbari graviter indolet. Immo, illo priori modo sapius inconsiderata largitio, ne dicam effusa prodigiendi facilitas, est molli animi partus: hoc vero posteriore dantis prudentia, vera liberalitas, & meritorum illecebra vocatur

49. Haud firmam amicitiam, aut diuturam parari crede, quam dando retines, nisi adhibeas cum reverentia tui autoritatem. Verè ait ille: *Qui magnitudine munera, non morum constantiam amicos sibi parat, meretus magis, quam habet.* Cum enim satis accepint, quantum opus habent, aut bene acciendo deficias exhaustus, vel saltem nisi avaræ expectationi magnitudine dandi sufficias; rejicent te, nec amplius curabunt. Fundamentum ergo parandæ, & retinendæ amicitiæ penes virtutem, & autoritatem morum cum reverentia tui pones: beneficia vero, & comitatem habebis velut pro condimento tenacius retinendæ. Peccavit in eo Julius Cæsar, cum omnia potentibus amicis ex facili concederet, quæ aliquando prudenter recusari poterant: unde plures amici eum confecerunt, quam inimici, quorum non expleverat spes insatiabiles. Tanta enim nonnullorum amicorum importunitas, ut quamvis multum acceperint; injuriæ tamen locù habeant, plus accipere potuisse, dum facilitate obtinendi assuecant esse petaces. Idem in Galba reprehendit Tacitus, *Histor. I.*

Hiantes in magna fortuna amicorum cupiditas ipsa Galbae facilitas intendebat, cum apud insinuum & credulum minore metu, & maiore præmio peccaretur. Ignis, ambitio, cum avaritia, nunquam dicunt satis. Plus apposueris? plus semper inflammantur. Cave ideo assuefacias amicos importunis petitionibus à facilitate concedendi. Potius nonnunquam petentibus humaniter recusa: non quod præstare nolis, sed in aliam occasionem differendo; ut dissuescant importunitati, assuescant repulsa, ruborem petitionis habituri. Nec aliter istos Petaces itabis. Potius instar generosorum equorum, amicis alendis, non saginandis studebis: obesi non tam expediti, verum segnes ad tuum libitum ferendo labore.

50. Inde enascitur prudens monitum: ne amicos, tum domesticos clientes, quorum operā indiges, spe præmii in factum provokes, aut facere aliquid assuefacias. Potius negotium propone, & operam amicè require; ut pro necessitate officii factum aggrediantur, exoluturi de sua virtute exspectationem. Si verò aliquid daturus es; non in recompensam offer, sed ex beneplacito, adjecta post præstitum opus morā: quod enim in recompensam datum est, non obligat in futurum accipientem; sed sovit debito recompensæ dantem.

51. Non tantum de amicis & clientibus dictum esto, sed de stipendiariis militibus: ne prudens Dux assuefaciat milites recompensæ Potius officia militaris virtutis, & obsequii requirat, nam propositurus non facturis, quam præmium alacribus; quod offerendum tamen, sed ex insperato.

52. Qui rem bene habere vult, rei perficiendæ sit diligens curator, & potius in negotio, quam post negotium male facti operis servus exactor, cum tamen res male facta manet, nec re ocari potest, prodest quidem correctio in posterum, sed in præsens damnum habetur. Ed propè collimat Tacitus dum ait: Praefat officiis, seu negotiis, non peccaturos præficere, quam punire, cum magna fecerint. Prout certè rem non aliter probet assequentis, quam si aptos negotiis præficias; non qui superiores, neve qui sunt inferiores, sed qui officio proportionati, & velut à condicto pares. Illi primi officium commissum infra capacitatem, dignitatemque sui habebunt, illudque negligent nec offendenti gratiam debebunt, sed potius offendentur iudicio parvi munieris, velut contemptos se, regre ferentes. Inferiores dum non sufficient muneri, rem agendam presumdabunt; ut judicii arguaris, qui imparibus agenda contulisti, volens tui ipsius deceptor. Velut si Myoparoni piscatori classis navarchum præficias; aut obvio remi-

gi prægrandem quadriremem curandam si  
committas; hic per inertiam regendi eam  
perdet; ille muneris vilitatem contemnet,  
infra dignitatem habiturus. Vel perinde su-  
pervacaneum fiet, ac si magno pedi parvum  
celceum inducere contendas; vel secus to-  
ga virili vestire infantem, onerandum poti-  
tius, quam ut ornetur, velis; in hoc turpi  
excessu, in eo peccaturus defectu. Opor-  
tet igitur secundum genium cujusque, pro-  
ut in artem agendi hanc, aut illam natura  
inclinat, munera cuique committantur: non  
verò è contrario, togata viris bellicis, Pro-  
vincialia maritimis, Iudicra seriis, & gravi-  
bus, juridica, & forensa naturalibus, am-  
ara tristibus, turbulentā pacatis, laboriosa  
delicatulis, obedire nisi & subesse aliis com-  
modè scientibus, intricata non expeditis &  
hæsitantibus. Religiosa politicis regenda:  
denique, repetito dico, parva ingenii magnis,  
magna parvis. Satis prudens in eo  
Tiberius, de quo Tacitus, VI. Annal. Pop-  
pæus Sabinus a Tiberio maximis provinciis im-  
positus, nullam ob eximiam artem, sed quod par  
negotiis, neque *supra* erat.

53. Quæ ratio non potest, sàpè tempus  
sanat. Noli anxius esse; verùm tempus in  
consilium voca, nonnulla difficultiora temporis  
aut potius DEO sananda permissurus. Sic  
ille apud Historicum: *Consilium, cui impa-  
rat, fato permisit.* Non tamen fac despera-  
bun-

bundus. Sæpè meliori fortunæ, locum fecit  
adversa.

54. Non qui res, sed magis qui tempora disponere scit, vel utrūque; rem habet. Rectè autem disponit, qui bene dividit. *Ego & tempus contra duos*, Caroli V. Cæsaris dictum. Solus scit agere qui tempore non nescit uti.

55. Cave morosos, qui momenta rerum trahunt in offensam sui. Non aliud lucri extatium convictu reportabis, nisi cum indignatione acerbitatem: dum sunt similes stomacho nauseabundo, qui etiam suavia male accipit, & fastidit.

56. Minores virtutes affectum vulgi motent ad amorem: excelsa virtus, non nisi magnorum moveret intellectum, ad pensandum, & estimationem. Hæc erga superiores necessariò usurpanda: sed cum minoribus nonnisi minorum virtutum usus; cum enim hi altas capere non possint, stupent verius eas, quam amant. Prout igitur cum magnis, aut minoribus res tibi; sic virtutem, utique omnium haud neglector, hanc, aut illam studiosius adhibebis, si sapis. *Vide Notationes meas Politicas puncto XII.*

57. Semper cautus sis, & haud fide,

58. Cave inimicos laudantes: Nam quod incautijs decipiunt, palam laudant.

59. Tuum decretum sit clausum, & nisi unius alicui, aut tibi soli apertum. Sed caverendum,

dum , ne silente linguâ vultus , oculi , ac  
cæteri gestus loquantur , ut quod maximè  
latere vis , in lucem protrahatur .

60. Dicto vulgari ; malum bene positum ,  
ne moveas ; ne fiat pejus .

61. Affectus inimicos bonæ rationi qui  
non regit ; regitur . Neque te ira , neque  
nimius amor ducat ; sed mediocritate labo-  
randum , nisi velis errare . Qui minus ex af-  
fectu habet , plus habet ex ratione .

62. Qui amat nimis quietem , & seces-  
sum , qui breviloquii gaudet ad usque affabi-  
litas , comitatísque defectum , qui Sto-  
cum , & grave supercilium gerit , morosus  
dictorum , factorumque in alios censor , qui  
Parcè erogare cupit , qui facile dicto offendit  
tur , nec scit , salva tamen gravitate , & vir-  
tute , dissimulare multa ; ille paucos amicos  
sibi parat , nec multum in populo potest . Im-  
possibile est , cùm nemini te amicum dede-  
ris , dari tibi aliquem velle ; aut si vis habe-  
re , nec esset remittendum aliquid ex rigore :  
quod virtuti non contrariabitur , sed eam  
adornabit . Sæpè virtutis legem falsò puta-  
mus , cùm potius viveudi morositas est .

63. Cauti , aut nimis quieti , dum esse  
nonnulli volunt , otiosi fiunt , quia aggredi-  
endo terrentur difficultibus , vel quia non ex  
voto res cadunt , vel quia sibi , quæ recte fe-  
cisse consci sunt , à malevolis succensi ,  
indignè ferunt , vel quia sunt agendo nimis  
scrutinari .

scrupulosi nec planè resoluti, & leves offendens metuunt: quod mollis, & ignavi verius, quam quietem appetentis animi signum est. Fateor, nihil agentium facta non improbari. Non errant, dum nihil agunt otiosi, velut apud Tacitum Hordeonius Flaccus. Non compescere ruentes, non retinere dubios, non cohortari bonos ausus, sed pavidus, segnis, otiosus, & societati innocens; & Galba magis extra virtus, quam cum virtutibus; in quo cum segnitia esset, sapientia vocabatur. Tales non habent inimicos, sed nec amicos quoque dum negliguntur. Errare vero, tum nobis succenserit, aut offendit; uti hoc alienæ malignitatis, non autem nostri vitii: sic illud prorsus humanum est; cum non qui minimè errat, sed qui promptè erratum corrigit, & à causa intra virtutem assurgit, prudens sit. Hominis actio; dum hominis est, aliena prorsus ab errore esse non potest. Divina errore vacua, tamen à malitiosis male intelliguntur. Modò illud in homine laudatur, dum non confundi, sed promptè se recolligere intra magnanimitatem sui potest animus. Falluntur idem, qui ab usu & tractatu rerum levibus terrentur: ut recte successuerit illis Justus Lipsius, Epist. 39. Cent. 2. Contempi a te humana gaudeo, quæ me quidem auctore pedibus etiam tere, sed ita, ut contemptus iste ab alio quodam animo sit, non qui ipsum se contemnat. Hoc modestiam, aut sapientiam

sapientiam censes, jaceret nihil agere? ad nullum vitæ genus collimare? ignavia est: magnorum etiam sapè ingeniorum pestis. Subit enim utille, inquit, inertia ipsius quædam dulcedo, & invisa primò desidia postremò amatur.

64. Pro ultimò in gratiam cujusque prudentis, & virtuosi civis, adjiciendum putavi; ut si ad rectam præceptavitam, morésque componat, & in altum agendarum rerum pro virtute contendat; fore, ut incurrat in malignantium linguarum censuras, invidorum odia experturus quæ plerūmque virtutem exercere amant. Ne igitur acerbitate vir prudens confundatur; sed potius in partem melioris fortunæ trahat, certum argumentum magnitudinis habiturus, invideri sibi; quam ut invideat: modò rectæ virtutis conscius sit. Continta observatione compertum: non posse magnorum catalogo inferri, nisi qui prius asperam invidiæ viam decurrat. Cum eas calcaverit, dum verè fortunæ altioris gradus substrui sibi ab occulto fato speret. Non certè sermonum acerbitas invehitur in vilem colonum, qui sola ignorantia, & inertia securus, quem per omnia sors infirma semotum ab hominum fama, & tutum ab invidia facit. Non invadit humilia rugioli; verum altas petit domos, aut potius eos exercet viros, qui extra abjectorum fordæ positi in conspicuo præclaram agunt vitam. Verè dicitur: *emulam magnum*.

rum esse invidiam. Vel ut altius noster Tacitus: *Sinistra erga eminentes ineerpretatio; nec minus periculi ex boni fama, quam ex mala.* Si penitus intropicere liceret intimum invidorum pectus quid non videretur intus crudeliter laniatum, animus exesus, mens curis decocta; ut cum loquuntur, aut de te sibi vindicant, potius de seipsis graviores paenam sumant; non in te verbo, sed in se continua magnitudinis tuae meditatione saevituri illum tua generositas vexat, hunc in rebus gerendis gravitas arguit, aut morum pulchritudo composita venustas confundit; jam incipendorum, & agendorum prudentia in contrarium nitenti emulationi obluctatur. Pierumque verò maligna fama in magnos, & officiis degentes furit, *quos nobilitas, opes, bonos, aut aliqua insignis claritudo, rumoribus objicit.* Quem ergo miserum, & infra genua sua abjectum, nec supra pro virtute assurgentem, videre mallent; superbum & obliquae virtutis clamant: non quasi tu verè sis, sed quia illi animo ægri, nequam, malitiosi, majoris virtutis impatientes; ut eò ipso inferiores se agnoscant, dum invident. Ad rem meam sacer scriptor *invidiam, portatilem infernum vocavit*: ut quem invidum dixeris, vivum potius martyrem voces, & in horas morientem; nihilque pejus in paenam optes, quam ut rectum facias, quod inimicus inuidat. *Utinam invidi ubique oculos haberent,* ut

ut omnium felicitate torquerentur! Torquetur  
 sane quisque invidus, cum alterius felicitas  
 sui animi tyrannis est. Quod alterius fortu-  
 nae, gloriae accessit, sibi damnum putat.  
 Aliorum divitiae, sua paupertas; aliorum  
 affluentia, sua macies, sua fames. Cum  
 magni esse non possint, nec cæteros malunt:  
 in se nequam, in cæteros haud boni. Ergo  
 ne conqueratur de invidis vir prudens. Gau-  
 deat potius, nisi malit vocari miser; nec se  
 altum stantem magis arbitretur, quam dum  
 hoc malo jacet. Invidiæ similes meteoro-  
 rum ignibus fatuis, qui sicut sequentem fugi-  
 unt, fugientem sequuntur: sic illæ, nisi non  
 contemnenti, nec conscio propriæ virtutis,  
 nocent. Gaudet inquam, magnum sibi in-  
 esse, quod invidorum oculos fodiat, men-  
 tem decoquat, animum compungat; sibi in-  
 triumphum, amulo in confusionem. Sene-  
 çæ super hæc verbis usurus: Malè de me lo-  
 quuntur; faciunt, non quod mereor, sed quod  
 solent. Malè loquuntur? bene nescium loqui.  
 Non iudicio faciunt, verum morbo; non de me  
 loquuntur, sed de se. Moveret, si de me Mar-  
 cus Cato, si Lælius, si duo Scipiones loqueren-  
 tur à nunc malis displicere, laudari est. Non  
 potest ullam autoritatem habere sententia, ubi  
 qui, damnandus est, ipse damnat. Quibusdem  
 canibus sic innatum est, ut non pro feritate,  
 sed pro consuetudine latrent. Dicam ultra.  
 Malè de me loquuntur, sed ipsi otiosi alienos  
 labo.

labores è convivio securè prospetcan es, & quos  
pùblica quies aliis laborantibus molliter ha-  
bet. Vel, quod alibi dixi, sàpè tibi repe-  
te: desiderari ad majorem perfectionem vir-  
tutis, adversarium modestè tulisse, ac alia  
rectè fecisse. Non igitur bonum cum judi-  
ca, quemcunque aliorum dictis, factisque  
obloquentem audieris. Vidésne aquas per-  
se lapidas, & dulces, qualem terram præ-  
terfluant, puram, amaram, sulfuream, sal-  
sam, lutulentam, ejus saporem purum, aut  
secus amarum, sulfureum, salsum, lutulen-  
tum, & male olentem sapere? Sic judicia  
nonnullorum de rebus bona sunt, aut mala,  
prout animus, unde feruntur. Habent bo-  
na apes, unde suum mel ab acri urtica deco-  
quant; araneis etiam rosa sui veneni mate-  
ria: non quia rosa mala, sed quia nisi vene-  
num querit aranea. Non igitur, quod sàpi-  
ùs suggero, conqueraris, non ferrum in ule-  
tionem posce, non exitium tibi obloquenti-  
bus meditere, si vir bonus es; quam ut co-  
stimulo in altum virtutis enitaris, plus quam  
satis honestissimæ, & triumphalis vindictæ  
(si ea vindicta vocanda) dum tibi invidetur,  
habiturus. Unde, quod maximum in hu-  
manis, virtute superabis invidiam, quæ non  
nunquam, sed ut potius incitetur. Sed cùm  
omnia feceris, non semper eandem virtus in  
orbis habet estimationem: in aliis eadem lau-  
da.

datur, in aliquibus non item Ergone hodie  
non sint viri, virtute, judicio, morum gra-  
vitate, agendique peritiâ Manliis, Scipioni-  
bus, Fabiis, cæterisque Romanorum, &  
Græcorum magnis nominibus pare's? Sunt  
omnino Verum seculi vitium, non virtu-  
tis defectus, ut non videantur; cum in ea  
tempora non inciderint, quibus totum vir-  
tuti concedatur sine invidia, & locus, & æsti-  
matio, & præmia, & agendi occasio: verum  
potius illa hominum malignitate compressa  
jaceat, lateatve. Quid enim inter malitio-  
los possis? Si corrigas? dum sunt mali passim,  
facile offendis multos, ideoque indignan-  
tur. Si agere velis? invident, nec idem ju-  
vant; immo studiouse faciendum præpediunt,  
tenebras virtuti aliorum inducere amantes;  
ne comparatione ipsi prodantur, aut vile-  
scant. Præcaætas ingenua erat circa rectam  
simplicitatem; æquum habens virtutis intui-  
tum; dum plures essent recti, quam in de-  
via vitiorum abundantes. Neque idem su-  
perbia obssistit, quo minus ductum consilio-  
rum meliorum sequerentur. Facile exinde  
se erigebat virtus in majus; cum sepi ageres  
pensaretur: seu adjutoribus & instrumentis  
agendi opus haberet, præsto adessent inter  
bonos rectum volentes, aut quod velis, fa-  
cere scientes. Facilius erat Scipioni vigen-  
te militari virtute Romana magnum Duceat  
Pro Romanis agere, Annibalem vincere, Car-  
tha-

thaginisque deprimere fastum, & Africani  
 nomen pro se mereri; cum tot haberet in  
 exercitu scientes ordinum doctores, bello  
 jussorum apta exequendo instrumenta, quam  
 alias posterioribus lœulis labente disciplina,  
 inter rudes cohortium ministros armis  
 agendum aliquid venisset. Porcio Catonicen-  
 soriām exercere erat promptius, & reducere  
 ad normam recti omnia in urbe, in qua non  
 dum per omnia adoleverat flagitium, & agen-  
 di licentia: quam ejus pronepoti *Catoni Ut-*  
*censi*, cūmejus etate prævaleret licentia, &  
 ex opibus immensis fastus, tum insolentium  
 turba cresceret. Nullib[us] igitur minus possunt  
 recta ingenia, quam si inter eos veneant, qui  
 scioli, præsumptuosi, & insolentes, tum rudes,  
 tum imperiti, tum pertinaces. Exinde causa  
 proxima est: in populari Reipublica concor-  
 diam vigere non posse, dum quisque præsu-  
 mit audaculus, sciolusve; nec alium sequi  
 vult, aut primatum concedit meliori: verū  
 sibi asserit insolenter, rem in diversa trahens.  
 Fœcunditatēm ingeniorum nonnulli tunc vo-  
 cant, cūm potius agendi insolentia invale-  
 scat. Ad concordiam vero necesse omnino, ut  
 uni, duobusque concedatur, qui ex virtute præ-  
 eant rectum aetati, cæteri sine scrupulo, &  
 inimicis soquantur; immo juvent confiden-  
 ter uniti, nec distrahit rem abeentes in di-  
 versa. Dum enim singuli præire volunt uni-  
 versi confunduntur. Sed hæc obiter. Quan-

tum verò ad famam, & aestimationem Prin-  
cipum virtutis, evenit illis, velut quidam  
recte annotavit: Tametsi unus aliquis Princeps  
iisdem bonis artibus Rempublicam moderetur,  
quam alius gloriofissime eam moderatus est: aequè  
tamen acceptus futurus non sit, nec parem ba-  
biturus laudem, nisi subditorum utriusque quo-  
que naturas aequi probas esse contigerit. Ad-  
dam amplius. Nihil magis vulgus, quam  
ordinem odit; maxultque malos dominos,  
modò sine ordine, & in licentia, quam bo-  
hos experiri, modò sint extra ordinem, ad  
normamque legis & virtutis, tum per omnia  
modestiae ne componantur. Exinde secùs  
malis Dominis in subditos ars sola illecebra-  
tum est per obliqua; ut cum aliquorum for-  
tunas emungant, in alias pro insolentia sæ-  
viant, universorum libertatem per diversa  
aggrediantur; verbo tamen familiares sint,  
& suaviloquio laborent, arte variâ lenocini-  
orum fucum actioni inducere amantes: præ-  
sertim dum privata vitia, mutuas inter se in-  
solentias, & scandala populo condonant;  
immò studiosè connivent in speciem licenti-  
osæ libertatis, dum cuique malum esse, &  
insolescere in aliū, impunè licet. Sic ver-  
sutulorum, aut quoquo modo obliquorum  
amicitiâ inescantur magis aliqui, quam eo-  
rum, qui ad virtutis, legisque normam  
recte componunt: dum illis prioribus liber-  
tas speciosa, & amoenitas convictus inest;

hi pro virtute, & modestia, tristiorē regū-  
lam vivendi, & īmorū quendam rigorem  
inducunt. Æstimantur proinde quidem,  
sed non amantur. Sic illecebræ mundi, quæ  
temporalia viris spiritualibus vocantur, plu-  
res sectatores habent; quia latiora sunt aspe-  
ctū, & ab exteriori sensu pensantur, licet  
exitu pōlt hæc tristia; quam solidior virtus;  
cujus pretium & æstimatio altiori menti sub-  
jacet. Ex eodem fonte ad propositum ut re-  
deam, boni domini apud malos pejus audiunt;  
& non nisi amissos vulgus agnoscit; seroque  
dolet: econtra mali æstimantur; dum illis  
populi sunt assuefacti, moribus, epulis, ve-  
natū, facilitate; luxuriā; cum exercitiis  
conformes. Sic Neronis vītia haud minus  
adamaverat populus, quam virtutes aliorū  
veneraretur; & in Vitellio, idem observa-  
vit Tacit. studia populi, tum exercitus, raro  
cuiquam bonis artibus quaestā perinde affuere;  
quam huic per ignaviā. Quid mirum igitur;  
sine Divina quidem vulgus probat? Moyses  
populum ex Ægypti servitute eductum, dum  
ordinatissimè mollissimèque habet, dum  
mannis de cælo panibus, & delicata cotur-  
nice pascit, dum periculis insuper, in manu  
DEI potenti, promptissimè adest, portans  
populuni in sinu, sicut solet portare nutritrix in-  
fantuluni; tamen murmuravit populus contr  
Moysen, dicens: cur fecisti nos exire de Æ-  
gypto? utinam mortui essemus in terra Ægypti?

In mentem nobis veniunt cucumeres, & pepo-  
nes, & cæpæ, & allia. & aufain rei scire pla-  
ceret en cape. Moyses ad virtutis legem  
animos populi componebat; in Ægypto in  
corpora sæviebatur. Hominum vero pro-  
terviæ tritiorem esse modestiam virtutis,  
& correctivam legem, dum intimum animum  
petit, quam corporis exteriorem servitatem,  
clare patet. Ægyptus crassa carnium epula,  
& ignotiles delicias serviibus ingeniis ob-  
trudebat; Moyses altiorum escam suppedi-  
tabat, & asserebat, sed non sine regula, li-  
bertatem. Quorum non nisi ingenui, altio-  
risque mentis homines sunt capaces; illa in-  
geniis absurdis & non intelligentibus, quæ  
sensu exteriore solum res pensant, non pla-  
cent. Prætentia minora dum intuentur, in-  
fascinati, futura majora negligunt, simûlque  
obtrectant superioribus. Tamen uni ersim,  
ut verum fatear, invidia, sermones vulgi, &  
acerbior censura in principes viros, aut  
quoquo modo astimatos, præsertim, qui  
admoneri per singulos nequeunt, tum in  
quos nulla potestas est, non obest, sed neces-  
saria plurimum est, idque communis boni  
causa. Etsi enim immerito jactentur; pro-  
dest tamen, ne depraventur, qui boni sunt:  
immò ad altiora calcar habent, velut præmo-  
niti, dum intus se, num verum sit, introspecti-  
unt, & simul *humorū* admonentur. Sin  
vera est, in melius corrigit; vel faltem, ne pe-

iores evadamus, acerbitate aut metu majoris ignominiae nos coercet. Merito constitutus est honor in opinione aliena; ut scilicet in metu simus: cumque actiones nostrae ab aliorum dependant iudicio, omnibus satisfacere studeamus. Etiam Libertatis in Republica signum est, obteretatio. In ea enim, quam tyrannis oppressam jam tenet, neutiquam permittitur. Didac. Savadra Symb. XV.

65. Ultimum monitorum illud esse debuerat. Sed manum amoventi de tabula, enoccurrit dictum ore ab Ethnico, verè tamen Catholico Politicum, tibi, alteri, mihi que mature sciendum *Qui notus nimium vivit omnibus, ignotus moritur sibi.* Vel quod rectius Divus scriptor. *Qui vixit velut immemor DEI, moritur in fine tandem oblitus sui.* Felix vivit, qui medios inter negotiosi seculi dies, & fortunæ blandimenta, surto sibi subducit horas: ut saltem extrema vitæ applicaturus DEO, explicat te sponte ab humanorum curis; rectius illas deterritus ipse, quām ut relinquatur invitus ab illis *A nimum est, quod restat vita seni decrepito* Barthol Gramondus l. 2 Hist. Gallicæ *Quique & cœ publicæ & amicis planè intulit, annus unus & alter, quo victurum se sperat, nullum aeternitati valet.* Momento paratur aeternitas felix aut infornata, qualem sibi quisque procurat Non immerito Seneca illudit senibus humana nimis studiosè disponentibus, in multos velut annos victuris. *Nihil turpius*

piùs est, quām ēne & vivere incipiens. Pulchrum iminō, dum vivimus senes; sed mortui mundo, victuri tandem nobis, cūm vivimus DEO.

A DEI nomine incepi hæc monita, in eodem fini i, qui mihi re:um Alpha & Omega; tuisque actionibus, utinam sit oportet; immō sit, necesse omnibus. Dum verò ad eum nostra plenè dirigentur; ut quid bonis opus, his aliorūmque monitis? Secūs, quò magis à Divinorum cogitatione, & amore, quasi ab ultimario summōque bono recedimus, neque hæc, aut mille talia, satis ad cautionem recte-ve agendum sufficient in doctrinam. Etenim quo magis sumus erronei circa eligendum verum bonum, plūs in passionēs animi incurrimus & variè illudimur, quām ut navari cautio possit. Turbamus inquieti alios; & turbamur vicissim ab illis. Scire enim, brevi compendio rem grandem te oportet.

Commotiones, seu passiones animi oriri ex absentia, aut præsentia boni, sive veri, sive opinatiivi. Perse autem verum, & perfectum bonum non est, nisi solus DEUS. Nam reliqua bona sunt ab hoc, vel propter hunc, idest, in hoc. Quæ autem extra hunc, sunt tantum non solida, finita, transitoria aut opinatativa, vel falsa bona, prout cujusque opinio ex temporali sibi statuit, & ex appetitu falso. Immō, si penitus perpenderis, sunt verè ipsa mala. Ideoque post lapsum primi parentis, & post amissam originalem gratiam, velut possessio-

nem DEI, id est, veri, summi, & ultimarii Boni, passiones animi non possunt non esse in homine; dum quiescere non potest, sed perhac, aut illa vagatur, velut in via quaerit, & inventit quodammodo; nec materialibus, (*mentem enim habet immaterialem, animumque*) plane satiatur; sed irritatur verius, dum est extrame tam perfecti boni positus. Ad ipsi verò illud non potest, nisi pro sorte meritorum post emensam vitæ viam occupet in visione DEUM; qui uti infinitus est, solus vastam, & plane infinitam mentem hominis sufficientissime implebit, & perfectissime terminabit. Immò in hac vita qui magis DEUM animitus meditantur, minus de illicitis animi passionibus habent; dum falsi, opinativi nec proportionati hominis animo, boni contemptores, & incurii, meditationem Di initatis quasi in possessionem veri Boni, mature, & ante tempus incipiunt involare. Atque hinc est *materia*, & *causa omnium virtutum*, nempe ex studio, qui est unicus finis humanæ voluntatis, & actionum, habendi veri, summi, & perfecti boni: contra ex ejus absentia, tum errore in elendo, aut malitiosa inconstantia in quaerendo, est causa commotionum, & passionum animi; tum ex non domitis passionibus causa, immò *materia* *vitiorum*.







Sceptra tenet Princeps, in partem flectere nullam;  
Sed recto semper vult ea stare throno?  
Exigat ad Normam Princeps sua facta: videbit  
Tum denum an recto sint sua sceptralia loco.



